

龍  
眠  
風  
雅

卷五十三之五十六



龍眠風雅卷五十三目錄

木厓潘 江蜀藻輯

毘陵陳玉璠賡明

同郡王大經袖長 叅

吳日駒 四首

方大全 七首

章于漢 二首

高友荆 二十首

方維岳 一首

王孫彥 三首

張克偉 一首

方兆及 五十五首

倪傳 五首

吳德堅 五首

何永喆 四首

楊騏 二首

彭大年 二十二首

吳道親 一首

栢廷植 一首

鄭寧 四首

吳用釗 十一首

徐宣 九首

吳用鐔 三首

方繼儀 一首

高文鼎 四首

高文鼎 二十首

吳用鐔 五首

章于 二首

吳用鐔 五首

吳日 四首

吳用鐔 五首

同 王 大 蘇 蘇 蘇

吳用鐔 五首

吳日 四首

吳用鐔 五首

吳日 四首

吳用鐔 五首

吳日 四首

吳用鐔 五首

吳日 四首

龍眠風雅卷五十三

木厓潘

江蜀藻輯

方兆及

字子詒號蛟峰贈僉事龍望公之伯子也少

廣胡明府如珠兄弟子其最錚錚者順治辛卯貢于

成均考授弘文院中書舍人范相國在政府資其

中升山東按察司僉事備濟寧兵河道子詒雅志

于世當群盜充斥之日目睹時政刑獎將驕兵懦

洞徹原委故一出而名籍甚濟寧之役治河決獄

親見其櫛沐風雨中未幾果以憂勤成疾卒于官

烏沙有池口群怨詩六十二首又有述本堂詩刊

分臬以前所撰著感不可考矣惜哉

贈姚若侯

琅玕春色上林開  
花隊傳呼弱冠才  
貂珥自游鳩鵲觀  
烏衣曾上鳳皇臺  
賦兼江海三都麗  
策對天人五色裁  
待詔仙郎應賜露  
可分涓滴到蒿萊

感懷

有客無衣剪芟荷  
行吟澤畔任蹉跎  
芝蘭本自依安石  
蕙苴其如謗伏波  
江渚釣竿投玉鯉  
漢廷執戟立銅駝  
朔方天半悲風起  
試聽燕人易水歌

懷胡子兌陳二如

秋風都共白門床  
籬菊開殘各四方  
總為饑寒成遠別  
莫愁離亂逼空囊  
長干夜醉樓頭雨  
秋浦人同江上霜

好友北轅將絡馬  
早攜清酒上河梁

謂姚若侯也

懷潘蜀藻二首

挂席同歸入故鄉  
君留秋浦菊花黃  
射蛟臺上驚烽火  
看雁人都失酒觴  
從此櫓搖青翰月  
至今楓冷白門霜  
何時我發扁舟興  
再上長干君子堂  
才子攜家走上京  
筆飛清瀨擅詞名  
停船渡口懷桃葉  
載酒江湄采杜蘅  
草閣他鄉常好客  
荒田故國不能耕  
逢人切莫傷貧賤  
但把文章賣帝城

送鄧東之南行

清風亭畔唱驪歌  
此去檣帆落上河  
鳩渚烟寒行客少  
鳳臺雲護故人多  
名懸江左推金石  
賦佩吳中響玉珂

早有客星臨帝里提觴還采碧峰蘿  
懷胡木夫丘禹拜讀書李陽

蕭蕭二子寄寒洲但見鷓鴣水際浮  
隔江烽火照林丘新詩別後淒涼得  
濁酒床頭仔細留  
望我不來三十日行行將到讀書樓

懷陳默公

別後流離不忍論相傳行色在閭門  
吳兒簫鼓舟前弄揚子金焦筆底吞  
世事但推游俠好交情猶見古人存  
江南客舍都相屬臘盡還期解綠樽

同避亂  
鳥沙

懷余振千子彩

莽莽平原木葉凋蒼蒼洲影落寒潮  
渡江踪跡都無定

隔岸家山不可招詞賦莫教寒馬笠  
兵戈難說老漁樵  
弟兄若發尋梅興待我歸來訪灞橋

寄胡卽公

飄然何遜在揚州可對梅花憶舊遊  
牙帳竟如天上坐  
羽書都付幕中收從戎本是男兒事  
仗策何煩帥府憂  
群盜縱橫奚日定淮陰柱石早封侯

望史中  
丞勦賊

懷劉古處

兵火流離老布衣皖江嵐氣望微微  
詞人鄴下推公幹  
賦價雲間減陸機但解蕙纒投洛女  
還持椒醕弔湘妃  
知君孤鶴難馴性不似蓬蒿燕雀飛

懷王暉文

朱門臘信點梅花君向芳園列絳紗暹文館其詞賦京

東當上座干戈江北正無家六朝臺榭迷花雨兩地山

川入暮霞可與潘生常飲酒暹文與論詩燒燭散林鴉

懷吳南蒼元閣詩

昇元高閣散天香南蒼有并協律各家起漢皇公讌粲

楨都閣筆別離蘇李上河梁七哀遭亂憂陵寢九辨招

魂下楚湘君任六朝無累句建安風氣接初唐

吳璧如歸里對雪有懷

勞勞遊子上漁船悄悄投家正雪天各隊官兵隨意擄

半殘農父幾人全看園但有烏桤樹迎客都無犬吠田

草閣只今焚殆盡驚魂長夜可能眠

憶舍弟消息二首

蛟臺荒寂半無人日日懷憂望老親總為渡江難作客

至今先隴一容身老父尚別來烏鵲音何浪會勦豺狼

信未真三處飄零三十日不堪戎馬隔風塵

莫說他鄉勝故鄉故鄉松竹護高堂干戈自是連三月

膂力何曾任四方人老菽羹難盡飽年殘椒酒不成香

流離貧賤都無怨但懼嚴親鬢點霜子美得消息亂後

贈齊然四

年少班生負異才筆花都向五陵開懷中衡嶽藏金簡

舌上河流汎玉杯爽氣它鄉多結客悲風落日獨登臺

近來同我論詩賦文選樓邊坐翠苔

樓在池陽

懷密之

蓬萊釣樂擊鳴球玉佩聲隨紫禁悠鶴駕王孫吹雪調  
龍門太史接風流秘書身繫芸香閣騷雅情同杜若洲  
自笑天淵多少路長安難說大刀頭

懷子建

板輿難說是閒居

子建江上奉母歸

喪亂蕭條早歲除城閉兵

戈堂繫馬田荒母膳食無魚貧來幸有家庭密別久才  
知信息疎故里相傳狼狽極陶公何必愛吾廬

枕上自遣

豈是霜天不肯明無邊心事起平生客風客雨空顏面

江水江花自性情同學故人流四處隣家蕩子問三更  
夜深收斂相思臥又聽鳴鷄臥不成

隴頭水

清水潺潺下隴頭聲聲嗚咽塞邊秋秦川涇渭雙飛去  
蜀國岷峨二點浮瘴癘黷侵銅虎節天風吹破錦貂裘  
征人望斷春鄉信不見桃花出御溝

出塞

邊埃軍書報可汗羽林齊點渡桑乾烽燒苜蓿春猶冷  
刀掄芙蓉曉耐寒番長醜醜催鼓醉妖姬纓絡抱箏彈  
女兒出塞非珍重多恐關氏是木蘭

入塞

黑霧黃沙白日騰居延城上不堪登間關幾走千重雪  
饑渴惟持一片冰細柳龍媒馳箭檄上林鳴使繫書繩  
呼韓若放明妃入天子還須召李陵

折楊柳

楊柳逢春卽著花相思人折寄天涯青樓慣繫長安馬  
紫陌還巢上苑鴉宮雨移來生漢笛邊風吹不到□笳  
長條打盡雙環結多少情牽子夜家

關山月

遠戍關山月正寒關山添月更漫漫閨中寶鏡應同破  
塞外雕弧也並團桂子秋蟾飛玉殿蒲梢天馬濕銀鞍  
可憐離別空三五照見征衣淚不乾

雒陽道

伊闕巍巍俯雒陽天津橋畔百花香春烟金馬門垂柳  
朝日銅駝陌采桑汴水波光搖御苑嵩山僊氣落明堂  
由來歌舞東都勝不遣淒涼到北邙

長安道

東井五星占王氣西京八水護神州關懸砧杵秦時月  
汾唱樓船漢武秋街繞章臺迷走馬橋飛清渭逼牽牛  
離宮別館知無限北斗年年挂上頭

梅花落

滿樹梅花不著身香魂飛惹漢宮嬪吹殘鹵簿三更夢  
引出妝臺一瓣春風雨催來思結子關山拾得送行人



街霜本是難凋質不似楊花逐路塵

驄馬

蹋石連錢是玉驄種分注水卽真龍明皇照夜稱雙絕  
御史朝天入九重楸影走廻京兆勒桃花嘶徹上林鐘  
房星昨夜臨邊塞更上祁連第一峰

雨雪曲

寒門朔氣莽雰漢塞□沙摠一雲雨點只添刁斗響  
雪花難織戰袍紋饑吞蘇武關山淚凍入王嬙錦繡墳  
聖主深知征戍苦貂裘馳賜大將軍

劉生

劉生可是高皇裔任俠由來重漢京六郡良家甘後起

五陵驚座屬先生雕龍雄辯金張館獵騎橫穿衛霍營  
郭解諸公殊不學紛紛留得殺人名

玉階怨

金井銀床漢苑秋西風先到婕妤樓君王歌舞身曾近  
太后康強妾不愁長信草因團扇冷宜春花並寶釵收  
淒涼不惹昭陽殿燕子飛飛戲玉鈎

蕙若蘭

一夜烏啼可奈何秦川織錦正停梭王孫遠戍憐芳草  
少婦新婚附女蘿圖上迴紋空自寫刀頭破鏡不須磨  
短書願寄雙雙翼飛入襄陽紫燕窩

艷歌

堂上屠蘇百和香羅敷新結兩鴛鴦長安片月連刀尺  
巫峽行雲點黛粧環珮遺來同洛浦箏絃彈動是咸陽  
使君不識佳人志請看青青陌上桑

盧家少婦

阿閣重重鎖莫愁碧紗窻護不經秋碑礫杯酒銷吳怨  
玳瑁梁塵繞洛謳九月北征思鼓角三星東度抱金襴  
秋花結子春何早十六生兒似阿侯

秋胡絜婦

結髮從君不識心兔絲焉用惹喬林三年遊宦忘長劍  
五日新婚冷素琴背草自知貞女怨墻茨空刺世家淫  
黃金差殺秋胡婦一籠桑枝謝藁砧

卓文君

茂陵秋雨泣絲桐昔日求凰調不工捧檄縱矜蟬冕貴  
當壚須記犢禪窮金徽玉枕依然綠蜀錦湘裙半褪紅  
莫笑臨邛奔夜月白頭還是古人風

二妃

朝遊江北暮瀟湘帝子逍遙水上翔斑竹未隨虞舜葬  
蒼梧空斷屈平腸鮫人織錦還添淚龍女編珠懶畫粧  
慙愧昭陽雙艷婦風流誰許步英皇

戚夫人

高皇英氣重如山置酒歌風擊布還呂后固當偕白髮  
戚姬何故死紅顏祖龍灰冷燒秦苑人彘魂飛出漢關

音耶 凡 卷 三 三  
怨毒至今銷不得長陵永巷草同斑人海茫茫  
西施重出山重出風塵亦散日試問當日  
浣紗石上有青苔無限秋風掃不開鳧雁昔曾迷桂櫂  
鷓鴣今已入蘇臺珠簾謾捲吳宮怨寶曆長留越國哀  
不是佳人乘畫舫鴟夷難免霸王猜  
木蘭  
紫馬青絲度隴頭木蘭征戰也風流錦纏覆髻藏蘓合  
鐵甲遮裙妬石榴出塞定充男隊長還家難拜女通侯  
依然只聽爺娘喚嫁與誰人可自由  
箜篌飛出斷腸聲日日蛟龍浪不平津卒臨流難鼓柁

陳王置酒尚彈箏檣鳥只作桃花夢璧馬徒牽瓠子情  
多謝隣家雙麗女歌喉傳得渡河名

清商曲裏恨蛾眉石闕長街子夜悲花煖蝶來休借粉  
春殘蠶老不成絲只因霜落嗟雙鬢翻作風流唱四時  
多少吳趨兼越艷家家都變合懽詞

漢王金甌非改步曹公銅雀已名臺英雄巧入西陵葬  
安樂高飛鄴下哀河漢濕侵歌扇冷天風吹送舞衣來  
可憐總帳諸妖妓分得餘香化作灰  
遊諸桃葉

盤龍倭墜珥珠環露井花開葉自閒短札新詩裁艷體  
長干春酒暈愁顏請看樂府身生曲定產王家雉子斑  
莫說渡江不待櫓風波難得到鍾山天風吹散幾年來  
紀事詩十首曹公股肱已各臺英華不入西劉案  
天開都會俯瀟湘賊駕西風入武昌地接嘉魚誰把釣  
樓燒黃鶴不飛翔江楓託夢愁神女宮草迷魂怨楚王  
十六年來江北苦今秋吹作鄂州霜  
四路妖星闖並收河南食盡到荊州千群飲馬江陵水  
萬竈屯田漢口秋叔子臨軍休緩帶仲宣還鄴不登樓  
鹿門山與隆中近莫犯龐公及武侯  
洛陽宮闕半塵灰水激伊瀍白日哀天子不令鄉貢廢

諸公還拜聖恩來大河錦纜牽紅樹少室銀樓照紫苔  
從此官軍多氣象招搖旗幟傍三台  
上將文昌第一班咸陽拒賊閉函關天河渭水連兵甲  
秋月驪山抱劍環北斗何曾離華嶽南風誰敢奏荆蠻  
王師近有孫都護早唱饒歌慰聖顏  
朝聞相國引天兵暮詔中丞出帝京豫楚將軍看秉鉞  
江淮開府聽連營雲移車馬彤弓仗霜度關山畫角聲  
郡邑于今供粟米愁人收淚望昇平  
幕府清秋擁畫戈史公今代一蕭何千年玉管書斑竹  
萬丈牙檣貢瑞禾泗上鑾輿蟠虎豹淮流金鼓震鼉鼉  
近來鐵騎紛紛起氣盡揚州不渡河

龍飛世廟起承天聖祖園陵日月懸鳧雁不將金寶鑄  
熊羆長守玉衣服霞松逕開黃道沱沔荆門赴碧泉  
何物妖狐山下走軒轅魂魄已成仙  
塗山陵墓拱青霄上有菁葱玉樹條楓陛北搖秋夜影  
桐枝西射斗星杓九天絲竹仙人近五嶽樓臺帝子朝  
借問將軍誰戍守黃劉今日是嫫媧  
溇陽江上夜吹笳左帥淹留八月槎賊渡湘流窺赤壁  
兵過彭澤碍黃花二孤鼇背衝金掌九派龍宮建翠牙  
若得溫嶠來督護風波安穩接三巴  
開府監軍並仗旄皇恩原有勅書褒龍山亭障飛霜葉  
雁汊樓船湧雪濤感栗曉寒方漸起弓弦秋勁不曾殘

可憐江北無全郡惟有孤城天柱高

吳日駒

字千里祖印度父似之蘊義生風以直聲聞于閩左公克紹先烈三世為儒卒不獲食報嘗訓其子若孫曰服田力穡乃亦有秋寧耕而餒無不稼而希獲也以才高困棘院迄老弗衰二親即世皆值公應舉之秋聞訃奔歸至欲沒淵以殉殯之日負土成丘觀者謂延陵知禮莫公若也

雉城署中久雨喜晴

連月雨初晴開軒曙色明何知春草長但見野萍生  
綠暗鶯聲滑紅殘蝶翅輕  
菴溪雖在望安得放舟行

弁山伴我大師以詩見投次韻奉答

名山訪道漫相猜好友先從竹塲來已向禪關尋淨土  
豈隨仙侶覓蓬萊徵心幸許登蓮社乞法何緣上寶臺  
鄉曲唱還遺隻履高懸一塔冷蒼苔

虎丘晚泊

湖天一色隱長虹千里孤帆挂晚風何處鍾聲敲夜月

梵王宮在水晶中

除夕

愁添商陸守更殘除夕方知作客難隻影羈栖誰得似

梅花深鎖一庭寒

倪傳

字人專少孤養於吳婦翁遜菴先生撫之賴以成立比長傳誦多聞從兄宮論瓊圃公嘗

携入都門以才名遊公卿間有燕遊草序之者麻城劉侗同人華亭沈泓臨秋也順康之交循屈首

為老諸生申午壬子兩修縣志先後邑宰皆重之

吳勰社歌寄吳千仞方坤丞孫克咸王以介

千仞翱翔隘九州詞傾三峽水倒流同學少年十五秋

坤丞壯志射斗牛瀟灑踈狂仍寡儔文章鏗爾憂鳴球

克咸邀我秦漢遊滿紙烟雲筆不休深山兩載唱詩籌

以介指畫松滋侯骨節珊珊韻度幽美人月下彈箜篌

江南渭北溯洞游可憐獨上仲宣樓

吳門清明

昨臘兒書至松楸少陌錢已知啼夜鬼况復看風鳶眼

隔千人石心灰陸子泉客懷悲死喪伏枕淚潸然

都門次孫克咸見贈韻

兩看春色到皇州還念龍眠鹿豕遊憐我窺斑徒半豹

知君解節有全牛詩飄南北一尊酒文組山川百結裘

屈指黃花秋漸老相携問業在岑樓

漂母祠

閒將冷眼識英雄無限哀憐一飯中長揖祠前唾項羽  
當時空目有重瞳

茂林馴鹿

桐署八景之一

投得僂胎柱下賓卽今伏雉一般馴臨淮夾轂三公兆

明府他年看畫輪

方大全

字汝棠郡諸生性仁孝父病侍湯藥必誠及父卒一慟幾不起崇禎辛巳歲大侵公客江右撫軍呂公幕中力請捐賑桐民之流離豫章者賴全活甚衆旋里復散資財賑族鄰里人歸義焉爲文古雅工懷素草書自少至老手不釋卷口不停哦屬續時猶爲子弟講易超超玄著

棄子行

去年賣子薄得錢今年棄擲周道邊道邊號哭訴行人

行人枵腹安能憐馬上健兒鳴鞭速辱骨不堪踐馬足  
朝看人瘦骨如柴暮看人死白如玉嗟哉父母不顧子  
心非鐵石誰實使丈夫自任天下重焉忍鬱鬱坐視此

仲秋

繩床高臥好全不解秋深碧入池塘水紅歸楓樹林村  
閒憑短杖客靜動孤吟夜夜虫聲伴清人不寐心

重經江州

頻年湖海興漫漫山水天教放眼看五柳傍江春自綠  
一樓當岫月猶寒故鄉未必并州是客路無嫌蜀道難  
贏得枕邊多噩夢西窓近報竹平安

山水勝王閣

山水悠悠畫閣衰百年陵谷感遷移鐵衣短後書生著  
下馬何心更賦詩

烟水亭

烟水中間亭子新四時風景醉遊人湖光空碧如僧眼  
認取匡廬面目真

擬宮怨二首

長門舊恨已成塵雲樹深深草自新分付昭陽好明月

從今莫照倚欄人

館娃人面妬花紅一片飛塵楊柳風回首舊來歌舞地

野猿山鹿與春風

吳德堅

字爾玉父乾初公名重膠序無祿早世母姚氏湘潭令渥源公女苦節自誓遭寇亂罵賊

不污而死公哀毀滅性矢不與賊俱生著有終天恨百餘首聞者哀之久次諸生十赴鄉舉不收所

著有逸

同雪波上人尋山

攀蘿緣石磴樹影入溪流野鳥聲方變寒花色更幽輕  
衫秋氣爽小閣暝光浮半偈參禪後空林萬籟收

湖上

燈火疎林滿釣磯秋光淡宕夕陽微六橋草樹凌波出  
三竺雲霞起鳥飛曲榭歌聲遙入耳畫船香氣暗侵衣  
客心欲共湖心醉繞偏西陵不忍歸

喜鑑在弟書至自梧州却寄

十年書信幾沉浮白雁纔銜到故丘梅寄隴頭猶帶淚



龍明風雅卷五十三  
竹霑湘水獨含愁杜陵西蜀蹉跎暮王粲江東黯淡樓  
勞我謝家春草夢蒼梧長望碧雲流

月夜獨步堤上

春殘暮色更蒼然白舫青尊破暝烟日斷斜陽花塲外  
魂消明月柳堤邊乍看波影移芳樹又聽鐘聲到畫船  
獨步斷橋何所憶半生心事託啼鵑

弔李白祠

采石江干作夜遊清風明月一扁舟先生意氣凌千古  
騎到詩樓憶酒樓

章於漢

字天渡崇禎末諸生家貧讀書有氣節士林推之

舍明雜紀

野樹丁丁聽鳥音閒從石上獨披襟白雲有意嘗留劍  
流水無聲自入琴莫信文章今日重但遺丘壑古人心  
茂陵何事居多日爲問相如病已深

懷方子詒象山

八月金門賦已虛同君放棄小江漁家從喪亂塵餘甑  
人隔江湖路絕書玄草半焚猶欲著蒿蔬滿徑不曾除  
長安多少空彈鋏爲問何人食有魚

何永喆

字孟明號梅溪播之公之伯子也崇禎中諸生性恬靜方雅爲時論所重歿後有青山遺

稿

春日登雨花臺

一望江如練輕烟作晚霞不留金布地只說雨飛花好

身悲春去遊人弄日斜如何松竹徑盡種邵陵瓜  
晚秋同左子兼暨從弟武伯古林庵散步

滿目陳東憤聊從此地遊如何新政出竟使望門投楚  
語空無相魚聲遠更幽月明歸正晚緘口過鐘樓

贈方石上人

花雨從天馥飛來第一峰談經門過虎說偈座驚龍斑  
駁山頭石幽深樹裏鐘倒懸春澗曲瀑布自重重

齊安署中

矻矻窮年貌欲癯扶風烟火墨如身爭人是處翻成拙  
認世真時却太愚客願只宜春去早旅愁偏對月明孤  
桃花雨後開初遍好向深山聽鷓鴣

高友荆

字處二邑侯陳公贊化嘗延入幕借至山左與相國傅星巖為布衣交補聊城弟子員棄

之復籍邑諸生第二順治初以方聞膺薦舉署江西弋陽學博因何挂冠歸處二為人經奇弄瓦與之遊易直無他腸姚休那先生嘗為予稱道不置詩文多險詣亦有人界之風惜無嗣少有傳者

中秋夜久雨得月

不意今宵月翻從雲際生照人無擇趣挂樹有真清四

十九年夜百千萬劫情知君憐我老烟雨一番明

與何次德別十載矣忽遇于蕪陰連床道故賦贈  
十載烽烟更索居百年紛錯此躊躇投竿擬結蓑衣伴

罄筆難抄石室書管子正貧知己至浩然無病故人踈  
相逢各省從前事大抵浮名揔是虛三千行內代田

壽王未葵六十

不上公車不挂蓑桃花源裏日婆婆巖前作食資薇蕨  
樹下裁衣就薜蘿六十年中遊嶽早三千行內力田多  
方平自是君先籍萬里蓬瀛倘一過  
喜吳雪厓返里  
相逢各指鬢毛皤五十光陰一刹那小別動經千里隔  
塵勞奚啻萬山多誤攻書史家無賴欲改漁樵老奈何  
宣室羨君前席早相思還向草廬過  
暮春飲奉先樓樓左三山先生山莊也  
柱史山樓古渡頭江南烟景望中收浮丘積翠侵簾濕  
秋浦晴峰逼檻抽點點漁樵歸落照年年花鳥送春秋  
壺觴久慕陶彭澤此日登臨宛共遊

喜姚休那夫子赴浮山僧藏之之招爲其師清隱

禪師作塔銘

史筆琳琅推一代高僧宰堵乞銘章文心自出無師智  
綺語何妨選佛場遠酒定容寬靖節郭碑聊且快中郎  
書成正作人天眼漫向名山石室藏

覓得茉莉一本寄何次德却東

奈花自昔非難得亂後南天久不來一兩枝存爲碩果  
半千里寄當江梅幽窻伴夢微香適山月依人夜色開  
珍重嚴寒霜雪候好憑暖律溪春醅

壽姚祚文六十二首

同學同遊同鬢絲艱難百折其危時鼎湖痛徹監門女

羸博傷深伯道兒昔歲書堂來雉雠當年知己半鴟夷  
細觀往事悲何及強欲看君蔗境遲

強仕稱觴共有詩不容易句是休師刹那又病廿年許  
落拓空存萬卷爲燕幕已驚三匝少牛眠未十九星疑  
相期養老青山地欲舍浮丘何所之

廣度菴訪以慈上人話舊并以向上事勗之

同是浮山社裏人十年奔逐老風塵已知君到無錐日  
却嘆予多乞米身草屋破扉荒徑晚野棠枯木早霜親  
遠公棋局荆榛久若個驚天著子新

寄懷六公

浮丘可是安心地麻麥今堪月幾餐衰絰夜談悲法廢

鈔疏日布爲僧難逆風舟子惟爭柁息影文人倘據鞍  
葆吹清鏡姑勿問一聲霜雁憶君寒

送友人之舊京

誤攻文字我無用卽返漁樵爾亦勞當日酒徒多挂劍  
只今猛士諱操刀野烟萬戶思唐德悴色三年抱楚騷  
君去新亭亭上望河山何處置吾曹

寄懷傅星巖脩撰

憶昔聊城載硯田詞場百戰避諸賢賓鴻書隔三千路  
戎馬人歸二十年天與盛名君自有時逢多難我誰憐  
鄒生暖律春何限肯借吹聲到九天

古意

玉關道路遠金陵信使踈獨下千行淚開君萬里書

吳希之喪其愛子寄慰二絕天

信是童身不易生預立深繫子雲情人間不少摘詞地  
何必修文天上行  
喪明雖見西河愛羸博尤推季子賢珍重君家遺事在  
莫將清淚灑啼鵲

挽程廣文二首

九歌垂就涕先零恨殺青衫到底青昨夜微茫牛斗分  
不知飛上作何星  
三絕風流數鄭虔到頭生事儘寒鴟古來文苑君知否  
一卷殘編了百年

贈友二首

曾從燕市放狂歌歷盡悲懽奈老何屠狗賣漿豪俠盡  
虎皮座上有荆軻  
雲際鵬雛塞上駒眼中徧著老狂奴殘針碎錦聊相贈  
得似君家故物無

小

字于王邑諸生篤行博聞雅志  
多避却之授徒成市皆沐浴經史無章紳句  
繡之習屢試京兆不第同舍生率去為顯官泊  
如也居家孝友比于義門尤為輓季所罕見

雜詩

女蘿寄松柏裊裊隨風吹一朝斧斤加枝折根離披美  
惡相妬憎今古良如茲綠髮本榮敷青蠅易以欺棄置  
入深宮會面安可知霍家昔全盛驂乘兆誅夷烈士貴

自保怙勢非所宜不見林中鳥畏網先高飛  
得方壺書知有燕遊

筆札依人苦風霜冷不勝鷄啼將落月馬怯欲消冰故  
國黃塵隔西山爽氣澄驅車過易水壯士有誰能

方維嶽

字從五諭冠游鄉校即負盛名試輒領軍沾  
被後學傑作至今猶在人口年未六十而卒

子山至草堂

皖江分袂後念子已還家水樹聞啼鳥山田見稻花人

先秋雁至坐對夕陽斜滿酌清尊久西園興正賒

彭大年

字子及邑諸生為人端方淳重從弟弼岑貴  
不以私干談經授徒取足供尸養而已所著

石樵集如寇焚書堂賊至楊家嶺  
諸什讀之亂離在目為之慨然

對君酒

對君酒放我歌興酣一百金巨羅白龍今夕寒威減紅  
搖燭影照顏酡鼓角風清坐上催招呼陸羽且停杯七  
碗瓊之復洗竿侍兒睡立玉山頽主人嗔我貪不止我  
看世間可貪惟有此翻雲覆雨浪中花劉伶埋去不  
曾死

客夜病中

作客已無賴病偏向夜多自知愁是祟不信睡能魔萬  
葉隨風下孤鴻叫月過思家從不慣此際也如何

雪中晏起

客愁堆一枕添得雪能閒晏起無人到柴門白映山詩  
情驢背上酒與剡溪間遙見披蓑者寒河負釣還

曉發

荒岸曉鷄鳴舟人解纜行寒烟沒野色細雨亂江聲美  
睡多年減窮途百感生披衣天際望且到大雷城

喜純一僧自皖至

白晝愁昏寐蜂傳寇盜橫老僧何處至昨發皖江城故  
里聞無恙全家忽再生相留半日話不爲愛閒情

枕成

客心不著睡枕上到初寒髮向頻年短衾知此夕單猿  
攀林果落鼠齧案書殘起步蒼苔月清光處處團  
病夜不寐僕射如雷詩以遣之

城寺漏鐘殘窻虛月正寒我心渾欲碎汝夢一何安無

累從人賤有病作客難秋蛩偏聒耳長夜益漫漫

滁州西澗友人集詩限韻

隔岍橋西路春潮古渡頭草香知故澗沙長沒行舟好  
友招印涉新詩入社留黃鸝猶在樹終日喚蘇州

晤吳民在廬江館舍

八口謀何拙他鄉托一壇長貧親易老多病主難賢下  
馬來垂問扶兒出款延此情難遽別風雨故纏綿

咏粥岑新築

世情無一可掩戶著潛夫酒學歐翁醉堂因柶子愚教  
兒搜帳秘約僕理園蕪老與何嘗淺時來看竹梧

出城見寇焚讀書處

喜聞寇去出城東滿目淒涼萬事空茅屋已經兵火燼  
殘書無復蠹魚叢不逢豺虎惟天上忽見親朋是夢中  
薪木從今休更植野花遊蝶領春風

同范子明方搢公吳集未周農父錢亦友飲陳子  
垣得鹽字

愁痕叠叠壓眉尖且喜逢君月在簷話覺多情同密友  
詩將險韻索新拈松聲湯沸紅爐火燭影風搖白布簾  
却訝盤餐何太盛杜陵但有水晶鹽

落榜夜渡

趁月催舟夜渡津夜長舟靜月偏明試看繞樹無栖鳥  
恰似孫山以外人狂到窮途難免哭愁來天濶不容身

清風兩岸漁歌好悔不江頭學隱淪

山齋紀事

予性迂踈每曉起拂塵見簷虫爲蛛絲所縛作  
哀泣聲疾解脫軒外植花數種次第漑水舉步  
有殘紙剩字入汗穢中心輒恐怖浣就曝焚之  
情之所至隨筆成詩挑燈朗吟取酒半酣而臥  
山軒石壁罨藤蘿曉起攤書頭自科拂去案塵爲淨土  
解開虫繫卽禪那澆花因悟人天巧火字爲消筆墨魔  
荒盡舌田難斷酒唾壺夜夜助高歌

同大兒過靈泉僧舍

汝生我正在靈泉忽忽于今十六年舊寺經行看漸廢



老僧延坐認難全疎鐘自度林梢雨野鳥還窺厨下烟  
歲月儘寬裘與冶重來此地結茅椽

除夕

入山爲乏買山錢又向危城借一廛正苦此身當此世  
忽驚明日是明年光陰暗度兵戈擾生計空看釜罄懸  
草草酒漿供臘祀寒燈挑盡不成眠

病寄大兒

搖落西風木葉疎梁園沉臥病相如客貧難免悲饑渴  
交淺何知問起居淚落芭蕉窗外雨夢歸蝴蝶枕中盧  
經過滋味知如許何故吾兒又讀書

初度留吳三蔣四姚五小酌

老我交情又一年野蔬濁酒共陶然生逢世亂求無辱  
身賴家貧得苟全往事豪華空竹馬腐儒衰病只韋編  
兒婚不料重爲累斂手何時大父前

病中自况

畏暑愁寒病若浮驚心每對日西流悔同齊客工操瑟  
慙甚王生勸盜牛讀不盡書空有願飲亡何酒亦終休  
獨看遶膝孫兒戲任是愁來也遣愁

賊破楊家嶺

一老渾身帶重傷望城哭訴舉家殃只留稚子衰難負  
棄落荒村餒犬羊

代內

蓮子花開牽別衣多時望得雁南飛平安道上人來往  
惟有先生出不歸

苦雨

借得人間屋數椽參差破瓦滴如穿夜來渾寄扁舟上  
風打篷窓對水眠

王孫或

字惟稷童髻補博士弟子儒望蔚然以家貧授經自給所至焚香掃地整衣洛誦學者師承其風範皆有體要里人目之曰此河汾氏之教也其為人傾慕如此

懷生散從祖

別業臨江甸幽居遠市曹時看揚子水應憶廣陵濤縣  
裏花將發庭前鳳有毛不才甘寂寞悵望竹林遙

友人見招雨阻

落魄愁無限山居更寂寥故人猶不棄岐路獨相招樹  
色行雲濕溪聲入夜驕無緣成一醉空自度寒宵

雪阻寄家孝廉

欲覓孝廉舫難移書畫舟可憐新雪片猶點舊貂裘山  
擁風聲驟洲迷江水流白門今遠近旅食更多愁

吳道親

字民在風儀聳秀以高才為黨庠所推與鄧徵君顛厓友善身歿後顛厓為庀其喪撫其孤里中人嘉鄧之義益嘆吳之能取友也

懷顯若兄客廣陵

木落秋江迥天涯久索居池塘千里夢風雨一床書梅  
嶺棲無鶴邗溝食少魚瓊花如可採北道早巾車

張克偉

字子亮崇禎未郡諸生為人眉目清揚微鬚飄拂風神標格略如世俗所繪張仙狀性溫

雅和易馳研經史順治初與予輩結文社意氣雲  
蒸疾交道翻覆之陋始終弗渝生平不多作詩其  
孤廷琮偶從篋衍中得手錄示予與齊子古愚詩  
一首特存之古愚名邦直中順治甲午副榜與子  
亮北屋而居昕夕劇切其文采行誼詳予所撰端  
述先生謚議中不幸早世無後孰謂之天有知者  
耶予采詩粉榆最擅屢作或予不及奪間為捉刀  
所誑則不任受過也古愚不能詩其制義古文辭  
自是一代各手予安敢點竄他作  
以誣良友故因子亮而附著于此

途中感賦示齊古愚潘蜀藻

連年作客怯長征吏怒那堪趣啓行割袂頻添慈母淚  
分金空感故人情亂雲穿峽浮還聚好鳥吟風去復迎  
自笑途窮何用泣梵音深處學無生

栢廷植

字培二少隸諸生誦習勤  
勤賚志早歿人皆惜之

雪後之館

積雪空山裏寒林出曉烟隴梅封葢任野竹壓枝眠曲  
澗水花合高樓玉樹懸翻憐貧自好冷不到青氈

燕子

大厦連雲起交飛燕子低微風依藻井細雨啄春泥秋  
別巢空冷春來路欲迷可憐王謝去不向舊堂棲

鄭

寧

字居易邑諸生嘗授徒和陽頗為成給諫杏  
懷所許可以家貧年邁歸持兔園冊教授村  
塾其人則儼然  
獨行之儔也

秋日懷方井公

家食貧無計君歸我復遊山容如舊日樹色忽新秋鄉  
國多禾黍江城少酒樓得餐鱸膾美可念鄭瓜州

早春同友人之皖宿練潭

音卑 雁牙 卷五十三  
潭水清清帆影寒月明山色入簾看與君共醉梅花下  
不問來朝行路難

宮怨二首

花落花開年復年長門深處鎖寒烟不知宮外繁華事  
細聽鸚哥說枉然

團扇輕羅五月天沉香烟暗水晶筵傳言鳳輦今宵過  
不見車聲到耳邊

吳用釗

一名用鐸字幼康天啟丁卯武解元順治丙戌又中武舉人東南公之伯子也少攻墳素不利文戰棄而學劍雖韜鈴自負有輕裘綬帶之風結客任俠鬱鬱不得志而卒著有待園漫草

春日同王石仲遊韓御史園

乘閒邀勝侶攜手入桃源谿水迴無際石雲生有根登

山憐屐澁繞砌喜梅繁共結林泉契幽懷此地論

早發采石有感

江店鷄初唱村燈光欲蒙晨星雖漸少皓月正當空寒  
重衣沾露林明鵲噪風丈夫識丁字何必定從戎

勺園感舊

吾猶曾及見處處是樓臺落日珠簾捲香風畫閣開  
民輕一炬華屋盡成灰空有笙歌地頻來燕子猜

宿紫沙洲

江深大地浮飄渺一虛舟帆勢常疑墜風聲欲斷流雲  
烟迷野樹燈火隱漁洲微雨夜來過篷窻暗起愁

贈萬如禪師

靜裏參禪上講臺風翻何處動塵埃幾年納履無人到  
今日披襟有我來節候已知梅子熟機緣還待木樨開  
愧無玉帶山門鎮辜負豐干饒舌回瀟風筆浴瀟瀟  
過太白祠  
錦袍著去已千秋此地曾聞捉月遊搔首坐生遷客淚  
空江不斷美人愁醉中詞賦真無敵代有才名遜一籌  
烟雨瀟瀟迷客路望風忍不暫停舟

夜泊紫沙洲

孤洲一宿罷長征杯酒牢騷遊子情作客有懷看夜月  
艤舟無事聽江聲聲連永夜思彌苦月出空江影更清  
莫怪隣船人語寂杜鵑啼血已三更

自咏

把酒祇堪薄醉吟詩不耐深敲鄉夢常來枕上客愁頻  
鎖眉梢

校書問花亭聞蟬

幽齋空寂全忘暑座上清風引日長何處蟬聲驚落葉  
却疑此曲叶霓裳

泊松山湖

月色朦朧照水鄉湖天無際隱山光三更鶻血啼烟樹  
引得遊人欲斷腸

自嘲

假寐夢魂亦不適真愁鬚髮已將枯分明枕畔成詩句

待曉尋思一字無

徐宣

字召旬家貧好讀書稱詩多長者之遊嘗囊兔園冊教授村塾晝與諸童子講訓話之學夜則帷燈達旦雜誦不休帖括之餘旁及敲推所著雲樓近詩將錄板以行錢子飲光李子石逋祝子山如張子敦復各為之序讀四子之序可以知召旬之詩矣士非附青雲鳥能聲施後世信哉

題張敦復遠峯亭

幽人逢勝境卜築肯尋常亂竹全無徑諸峰環抱堂鳥聲清几席雲氣冷衣裳盡日緘關坐奇書讀幾行

不寐

假寐何曾著披衣坐竹床鼠遊窺硯水鶴步怯庭霜歉歲文難療寒宵更自長高樓誰弄笛不顧客心傷

重九前一日過齊又予邨居

出門貪好景隨步到君家野鴨羣浮水衰楊獨宿鴉庭幽秋草淡石冷晚霜華重九明朝是還期問菊花

遊爽園

聞道春殘郭外邨趁晴偕客訪名園密林深鎖閒雲影古澗猶存宿雨痕徑插竹籬因護筍墻纏薜荔倩遮門晚來西爽尤堪醉拚解鸚裘賞一尊

還家遇雨

衝泥傍險過長堤百里家鄉望欲迷細雨頻添溪水急流雲漸補亂山齊半黃梅子迎鞍墜一對斑鳩向客啼更有幾條牽恨柳絲絲帶濕颺去聲還低

過樸巢先生幽居

喜見先生高隱處擁書千卷一琴懸疎桐點點花飄席  
修竹枝枝葉映簾開徑却能同蔣詡愛廬猶且勝陶潛  
知因問字頻過訪笑語掀髯總不嫌

即事有感

莫怪雙眉未肯舒蕭條心事獨愁予墊因年久生徒厭  
兒爲家貧筆墨疎寂可張羅門署鳳冷無儲粟釜游魚  
自憐多病心情減欹枕高眠懶註書

錢西頑先生過訪便序拙集賦謝

授經小室傍東城門種三竿竹早成嘉客偶過停蠟屐  
狂談共坐拭茶鐺詩壇許我師工部學海推君逼長卿  
一卷未堪供世賞敢勞玄晏重聲名

爲張谷士催妝

豆蔻風生香正飄從茲夜夜渡星橋殷勤寄語張京兆  
柳葉雙眉仔細描

吳用鐔

字聖士幼康公之弟少穎異讀書一覽不忘  
爲人忼慨負氣誼年踰壯以色養劬勞絕意  
仕進杜門課子游于酒人以自  
放自號龍眠酒徒有效輦集

花下美人

早起常乘露未晞庭前爭選最繁枝緋桃愛傍紅裙立  
粉蝶偏隨蓮步移解語何須煩羯鼓芳姿都不倩臙脂  
坐間更奏清平調未許墻頭勒馬窺

懷浩菴大兄

彈鋏歸來卧敞廬水天濶絕正愁予恨無鸞鳳堪垂翼

空有鱗鴻不寄書親老難爲知己用才微自與故人疎  
登舟若發山陰興掃徑時時望鹿車

喜長男暉遊泮

懸弧學劍餘三世此日欣聞果冠軍共羨孝孫繩祖武  
莫辭野鶴在鷄羣韜鈴久已知無敵厚重何曾笑少文  
須有勲名繪麟閣芸窓不負十年勤

方儀 字子九一字季威崇禎末與弟子留子玉皆有文名

哭仲弟子留

旅櫬扶來恨莫禁傍僧鐘磬寄禪林茹荼久矣長齋慣  
就木猶然感舊深百卷殘書那忍見千秋正氣幾知音  
每過梵刹偷彈淚季子先予已痛琴 時子玉亦繼逝

龍眠風雅卷五十四目錄

木厓潘 江蜀藻輯

當塗曹臺觀文占 叅

同里吳商霖弼士 叅

方兆弼 首一百六十九



龍眠風雅卷五十四

木里潘江蜀藻輯

方兆弼

字子克號象山贈僉事龍望公之仲子也贈

甲戌里中盜起與兄中丞公有弭亂之績以故象  
山少學劍躍馬挽弓以用武自負好與奇士俠客  
遊既折節治博士家言則玩思神明濡濟聖涯為  
文務根極理要直闡程朱之秘而筆鋒犀銳又足  
以暢所欲言浸浸乎登先正之堂矣以學宮久次  
順治庚子貢于廷猶高自標置不屑以士種老  
家居食貧坎壈不得志而歿象山意氣豪蕩才辯  
颯馳文名籍甚公卿間初為詩少年盛氣腸肥腦  
滿抑揚抗墜猶未中音節迨四十而後牢籠負涵  
波詭雲譎乃至沉吟眩瞶督酣淋漓洵哉其為詩  
人之雄也晚歲病瘵以酒客為醫人以詩筒代藥  
盃逍遙觴咏卒不少廢年四十有八一月之內與  
兄蛟峰先後修文  
地下嗚呼悽矣

長相思二首

長相思久別離江北江南各一涯我素思君君所知空  
階看月冷愁面任風吹夜深不忍寐思君前日詩  
長相思思且悲苦如縷亂如絲簾前春氣動花枝翡翠  
兩相劇鴛鴦雙未離雕梁落殘月夜夜窺羅幃

東飛伯勞歌三首

鴛鴦宿水鳳棲桐碧玉紅綃時會同誰家兒女生閨閣  
千嬌百豔如花灼金屋金屏明月珠玉琴玉鏡紫珊瑚  
女兒年紀纔十五芙蓉白面愁偏嫵花藥風從滿院香  
空留可憐春斷腸

西飛翡翠東飛蝶趙嬪班姬時共挾誰家冶豔隱金樓  
半面看人掩扇羞錦鴛早繡合歡帳雙鸞帶結同心樣

女兒年時剛二八冰肌玉腕如脂滑忽見東風弄落花  
低頭無語坐窻紗

南集雙鴻北集燕卓女長卿時共見誰家閨秀居茂陵  
顏如白玉姿如水瑤帳流蘇琥珀枕金雀步搖花文錦  
芳年十五私心動鳳不求鳳凰戀鳳花英草角老青春  
年年不嫁繡羅巾

陽羨謠

外吏不可爲而江南之吏不可爲而江南之吏猶可爲  
而三吳之吏不可爲而三吳之吏不可爲而陽羨之吏  
尤不可爲而吁嗟噫嘻胡爲乎陽羨之吏不可爲而荆  
山有虎而荆溪有蛟而荆山之陽荆溪之陰有周處而

邀笛步

東晉尚風流江左多名士王謝雖齊驅諸桓亦媲美不以貴顯驕不以貧賤耻聞聲且相思命駕行千里况於眉睫間忍隔如生死我來邀笛步懷古欽桓子徽之何鹵莽舟次乃爾爾護軍既赫奕車騎任驅駛掉頭不肯任進退應何似茫茫溪渚間清音散秋水一弄未為奇再弄盈雙耳灑灑踞胡床三調始言止携笛在車中其事已不鄙踟躕遂果來茲情尤足喜竊怪王與賓寂寂兩相視當世好清談此獨重奇技孝武為至尊亦且慕風旨主僕吹復彈瑤箏撫玉几怨詩歌有聲諷諫情無已由來桓子笛差足垂青史

鳥衣巷

此巷昔不傳傳自謝安石丞相王茂弘比隣相倚藉杖履兩風流軒車俱顯赫子弟稱賢才咸蒙晉恩澤少年被鳥衣老翁拖赤舄邸第連雲霄輿蓋填阡陌一旦宣武來冕服都狼籍駐營何處所即選文靖宅堂前燕子飛迴顧非疇昔  
此湖三百年積水涵空碧水性產嘉魚獨數銀絲鯽虞衡律令嚴梁笱杳無迹何年此禁弛湖光忽蕭索但見捕魚者舉網如絡繹得魚踴躍歸持向秦淮宅秦淮多富貴一尾錢千百漁郎得錢喜富貴得魚惜今夜開率

筵差足供賓客烹入水精盤鮮膾素鱗白多恐食魚人  
終宵長跼踖嗚呼終魚鱗翻共回秦郵字秦並  
鍾麓多喬林蒼松與翠柏黛色叅青天扶疎幾千尺雲  
氣無時無隱隱見金碧種自何年代壽命應無數豈謂  
地不靈中歲遭屯厄樵蘇如虎狼持斧無顧惜一旦摧  
爲薪負入長干陌專賣與朱門不過居民宅朱門買卽  
焚居民轉拋擲拋擲意酸辛忍饑度朝夕刊一旦  
馬湘蘭故宅二首一美人不見面悠然情乃深烟蘿與翠竹無物非琅琳蛾  
眉倘親狎歌舞徒驕淫何如對舊宅千載俱傷心小橋

引秋水高柳啼春禽此中一回想風流無古今  
隄柳何青青溪水何盈盈水流夕愈淡柳落春還生人  
今向何處妝閣雲烟橫不見有懽筵但聞啼鳥聲過客  
長戀戀中心悽且清其人昔居此轉見多幽情

賞詠亭 袁彥伯

彥伯才超敏倚馬草露布七紙俄頃間安數東征賦所  
怪爲世胄何以供傭雇富商租米多驕奢不一顧豈識  
操舟郎曾中貯武庫懷古悲昔賢詠史藏新句孤帆落  
曉烟獨泊江邊樹風清月白時故態寧無露仁祖特欣  
賞蕭灑謀良晤阿虎未成名謝氏多知遇記室傍安南  
東陽倚太傅投契本有緣相逢豈無故高才不久淹湖

海只偶寓定因賢鎮西說向京華路  
然犀浦温太真未如各備之

太真好樗蒲頗不謹細行兒戲玉鏡臺求婚曾弗敬但其官東宮恭謹承明命王敦下石頭威容特縱橫榮辱在須臾官寮誰犯諍慷慨逆將軍仁孝歸儲聖主臣既無私陰陽罔不正所以驅魑魅江渚為清淨勿論犀有無此心即明鏡

龍山孟萬年

桓温每遊讌輒命叅軍酌伏滔恒悅從袁虎却媿怍屈首寄籬下意氣殊蕭索作賦見雄才放歌轉落魄俯視井底蛙獨立雲中雀竊怪孟萬年亦入征西幕九日登

龍山追陪費酬酢主人勢赫赫從事兩躍躍強顏隨眾權吞聲逐俳諠脫帽叅寮前區區何足樂祇供司馬笑殊令莊士愕孫盛投以文解嘲安所託至今相與傳多恐意輕薄

賈島墓

昔聞賈主簿李白墓相連鄭谷曾憑弔詩詞久已傳今我訪谷村孤墳惟謫仙青山樹歷歷白紵草芊芊問訊向土著故老皆茫然丘隴竟湮沒懷古生哀憐

捉月亭三首李太白

君臣不得志激楚成狂顛放流天地外歸竄江湖邊形骸非所顧笑啼皆忽然指心當皎月搔首問青天問

問不明月色低相憐清夜發高致痛醉臨深川歌聲上  
霄漢還如金殿前脫靴實故態騎鯨乃妄傳何用立亭  
榭福小青蓮賢大江江有水水流聲潺湲後人來聽此  
萬古心悲酸

太白不曉事醉入昭陽宮宮中事秘密頌美安所容况  
有巧寺宦中外聲相通女子與小人從來操吉凶天顏  
在咫尺輕狂殊失恭力士雖至賤廉耻心所同三調縱  
高妙讒言尤易工賢王幸憐才恩赦還江東蛾眉輪月  
牛渚重相逢瑤臺休再咏萬里生悲風

供奉有令子各昉姬伯禽伯禽早不祿男女傳三人男  
遊向遠方蹤跡遂沈淪惟遺兩孤女所適皆傷貧陳雲

與劉勸俱爲編戶民賢哉兩未亾氣節雙森森矢志從  
一終堅持松柏心偶遇范觀察泣言何酸辛爲祖卜新  
宅改兆青山陰廬墓終餘年孝思空古今克紹乃祖志  
不辱先朝臣誰謂李夫子無後身長泯

### 念男繼朴

繼朴性淳厚恒爲昆弟欺阿善恃其長阿強驕其卑兩  
人攻一愚受者安所支每一逢彼侮愬母涕交頤旅館  
遙憐汝平安須報知

### 東坡書院

我悲蘇端明直節不避忌命數遭輾軻屢譴投荒地安  
置向嶺海三年能素位其時天下人已傳公不諱豈知

音賦風雅卷五  
忽北歸人間久遊戲道逢章子厚升沈聊足慰平生縱  
落魄踴躍不喪氣讀書破萬卷達觀在道義癖愛名山  
川灑灑肆心志請移陽羨城茲意豈無爲正可終餘年  
溘然竟長逝瘴海豈延生樂土翻顛頓吳水與眉山不  
問身後事

雞聲 示兒輩

課兒常早起擁衾候雞聲隣村有一雞靈慧最先鳴星  
稀月甫沒萬籟皆未生遠遠高林外凌霄獨碎訇乍聞  
疑有無靜聽乃分明再唱與三唱令人神肅清終日所  
作爲賴此益勵精樂莫如天子端冕朝神京苦莫如田  
夫赤腳凍春耕驕莫如將軍雨雪晨交兵饑莫如行人

辭店從霜程兒曹睡夢中寂寂曾不驚阿翁多病痛起  
舞難爲情

索果聲

吾女生奇男三歲卽秀異依依老妻前索果日幾次未  
得牽衣啼旣得笑且媚笑啼聲突如老夫聊慰意

爭渡聲

跋履行階除忽聞爭渡喧行人愁日落急急投烟村人  
衆舟偏小愈亂天愈昏足疾各爭先落後寧無言幾簇  
聲相聚風送來柴門

讀書聲

男兒攻五車必邀車馬賜稽古報有時兒曹豈無志縱

不求軒冕此道難捐棄從來古哲人正誼不謀利皓首  
窮一經小心問竒字揣摩貴簡練有股誰能刺篝燈檢  
漢書有酒誰能醉耕鋤力不剛筆研吾家事立身在儒  
林風雅求不媿窓前春日靜階下竹先翠勿學邊孝先  
晝眠自適意昨夜讀書聲老子聽不寐

踏青聲

春草色小青人人踏郊野提壺溪水邊旋就杏花下邨  
妓抱胡琴里兒學瀟灑歸路相嘲笑杜鵑采盈把誰知  
叢竹林獨有登樓者

命老妻開罇

我愛飲甘酒甘者慰吾脣擎杯呼不至愀然生怒嗔憐

汝亦勤釀但怨酌者頻別藏僅五斗其味苦猶醇色似  
山泉白聊充竹葉春固封經數月欲啓屢逡巡永夜不  
能寐吟咏偏津津病中發高興賴此全天真汝其披衣  
起開罇速具陳弱軀厭藥物但飲覺精神囑汝勿妄費  
難以及他人縱有賓朋至無嫌告以因一升供一夕汝  
其珍更珍

懷伯兄蛟峰濟上

夜靜立空堦江雲凍月色我心有所思所思在濟北骨  
肉勞夢魂相憐復相憶尺書且艱難會面安可得宦路  
如江濤茫茫不可測急流合挂冠五斗難久食本無軒  
冕心却受簪纓惑十載守清貧努力報王國充庖薪水



廉獻壽瓊瑤膏祇恐當路人不信吾道直

喜晤曹二梁父賦贈

嗤咄曹郎汝記否與子論交在癸酉乙未相逢已廿年  
浮渡山前一杯酒至今又度九年春三十年間兩聚首  
人生聚散雖尋常如此別離亦太久回憶我甫十四齡  
先翁教我習桓趙嘆惜男兒今世間學劍勝人學書醜  
且從萬里覓封侯黃金印懸紫絲綬伏波銅柱拜將軍  
定遠玉門垂不朽余時總角力頗強強弓長箭時在手  
白馬雕鞍珠勒頭揮鞭縱轡風雲走南衢來觀動老翁  
北巷競看有少婦我亦對之驚且笑幼年好事良非偶  
太公命我提劍舞長公飲我開罇酌高閣吹簫十夜懽

胡床坐嘯有潘叟

時次魯先生  
在座

阿姊骨肉更情深洗盞加

餐華堂後謂我此去請長纓乘風破浪凌牛斗豈知三十有餘年重來姑孰逢親友猶是江淮舊布衣蕭然一劍棲南畝西京作賦媿長檠北塞從戎慙細柳紫駟騶駟俱無情蹇驢窄背安相受武功文事且勿論相守百年惟杵臼看來俱是白頭人且引一盃為君壽

送巫巒穉司理之任南康

誰道南康宦遊薄予曾客此知其美山川奇秀甲楚西  
郡城靜與名園比上覆匡廬五老峰下環彭澤千重水  
彭澤波從窻底生匡廬雲自階前起前有濂溪揚清風  
後有考亭續芳軌太極圖生古室間中庸註列幽崖裏

紫陽堤上柳垂條白蓮池中花含蕊曠古名傳兩大儒  
爲官此地垂青史豫章分郡十有三歷來名宦誰堪擬  
至今經過五百年孑然又見巫司理司理此去何所爲  
刑清如水訟獄止願爾名山多著書奇文高詠生風旨  
豈如俗吏無幽情秀壑蒼崖不一視羨彼江州白司馬  
草堂結向青峰底心寄烟霞不染塵嘯傲風流破弁鄙  
庀材重建香爐前君今髣髴應相似區區爲政不足多  
更追理學振浮靡洞開白鹿課諸生石鑿臥龍集名士  
上接周朱真嫡傳千載三人同一揆

謫仙樓

李杜齊驅天寶間文章共事藏名山窮通死生略相似

劍外江東各轉徙我歎供奉更失意徃在痛哭江邊地  
橫拖宮錦下金陵醉擎酒椀霑血淚隨波旣往又復回  
年年歲歲鳳凰臺山川亦復念牛渚高咏西江志可哀  
生愛青山如謝朓死結墳隣有同調萬里魂歸蜀道難  
土人憐之立祠廟唐宋至今祀不絕干戈兵燹無傾折  
謫滿仙人宜上天恨深妃子久應雪斯人何必有兒孫  
高風生氣至今存畫棟珠簾照明月蒼松白石棲幽魂  
昔聞杜老在巴蜀四建草堂何數數不如此地一祠屋  
百世千秋無竟局浣花溪西多主人裴嚴高王皆其倫  
分金割俸爲庀材堂成置酒柴門新但嫌此係生前樂  
身後衣冠竟寂寞何似清江一片山早晚仙靈欣有託

寄示行四兒棣華  
諸子之中汝最細出就外傳甫六歲清晨樂起不畏霜  
纔讀論語氣便狂初見師長喜言笑僮僕懶情能提調  
每逢食肉汝最雄但愁肥多當寒風每逢食魚汝最壯  
但愁骨多食不腸每逢飲酒汝喜冷但愁腸薄未許猛  
每逢出溺碍其禪須仗檢點有諸帚每逢還家山無月  
慮汝爭先趨且厥稍幸春深天氣煖隔嶺穿松如履坦  
晚歸向母索棗梨慎勿嗔無卽悲啼母若產兒推汝兄  
兄道從來宜老成汝能勤學勝諸子翁歸私汝以羅綺  
戲題遊舟  
競渡本哀屈子忠今之醕飲情何謬市井少年無足論

閨閣胭脂亦輻輳畫舫輕搖娜翠鈿珠簾半捲拖紅袖  
雙斜媚眼我欲避怯亂高鬟肩每覆笑投角黍弄清波  
故帶兵符補文繡酒生粉頰滿面春日射羅裙私汗透  
城中移櫂各爭先郊外放船屢相邁乘興遨遊未肯休  
使君多恐憐渠瘦

爲舟子解紛歌

艇子操楫僅兩僮解纜便聞勃谿聲捩舵東西罕遂意  
開頭緩急難稱情江中忽值西風起雲外旋看高浪生  
兩相參差各怒目舟勢傾危渠那驚如此同舟失和氣  
何況異道相紛爭我聞黨人悉如此卒致亾國身棄市  
三君陋習不忍言兩部狂瀾尤足耻古人立節本忠貞

龍眼風雅卷五十四  
子弟因以圖金紫門戶藩籬不可破社稷不亾終不止  
殊媿三老與長年稍爲解紛遂釋爾

移竹

此君此君夙緣遂平生癖汝無日置汝亦多情慣悅予  
四時四面浮青翠治場植汝已廿年生孫又孫奪花位  
秋天風雨共悲涼春日烟霞獨嫵媚覓句頻推推且敲  
能助幽情發竒思我於池上偶爲樓樓外仗汝生高致  
汝其隨我度嶺來三五雁行不相離黃鸝待汝群歸棲  
流鶯爲汝嬌啼至頃刻林林更森森青入半天陰滿地  
縱獲黃金百萬斤無如汝曹適我志縱食綺席五侯鯖  
無如汝曹快我意日日擎杯到汝前汝須善飲同予醉

青蓮夜雨醉後寄蜀藻

兵氣依然在孤城守未休三間無復瓦五步尚存樓嬾  
著東山屐難爲南浦遊音書已斷絕夜雨更啾啾

憶兄子詒

疲病匡廬道浮蹤託野鷗讀書非不效薄命易招尤只  
有長存舌身無可做裘此時應念我魂斷白門秋

寄三弟

江上傳消息追呼異昔年纔沽人日酒已納仲春錢法  
合知渠重貧將誰汝憐薄田猶幸少慎勿故遲延

藥餌

藥餌參兼朮山妻識性情檢虫憑爾曬烹蜜禁兒爭逆

旅親爲製和丸久未成自憐身不健歸思日怳怳  
望巫巒穉司理不至

春風三月半曾許放舟回白紵虛江月青溪戀酒杯官  
船當早發時將之南康任地主亦應來遙見匡山路紛紛柳絮  
催

將往弔李青蓮墓東曹二梁父與謝白門蘇  
遙遙三十載犀浦始重遊不拜山中墓空登江上樓寒  
驢途未遠絮酒願應酬賴爾多幽興相携有杖頭

李宅相姓谷子姓繁衍廬青蓮墓下

賢哉李宅相天寶舊遺民能守千年墓殊非一世人詩  
書雖失學耕鑿不憂貧阿祖魂應妥春秋薦有蘋

憶家園新笋四首

日食他鄉笋吾廬觸所思幽篁形磊落新笋勢參差恐  
值偷兒狡難令穉子知倘歸逢盛夏青翠滴雙眉  
每值春將暮貪看興肯闌雨多離土迅露澁拔林難千  
百勞親數東西令爾安不材隨力盡未忍奉盤餐  
我行江上路到眼即徘徊不問誰爲主相憐欲索杯性  
情千尺歛烟雨一林開却恨溪南女筐提入市來  
癖竹非常癖還從畫裏看亭前培十種腕底帶千竿生  
氣依林動悲風偪箬寒故園雖不見尺寸在毫端

葉九野童期公移尊見訪

只有詩中酒無醺但有醒貪斟身轉健久覺藥無靈白

畫如相過黃鵬更可聽叮嚀修禊事芳草露痕青  
烟帆

雲嶂連江暗烟帆帶雨遲舟中應有客天外欲何之  
思如同我多情必賦詩停船倘相問捫淚各言悲

答長文餉酒

醞出葡萄甕樽浮琥珀光山僧不飲酒隔徑亦聞香  
合詩腸滿三更客夢長計供能數夕親舉向胡床

畫竹

對竹聊為竹揮竿覺有神低枝垂宿雨倚石度青春  
下瀟疎假毫端顧盼真江城媿知己每到索頻頻

皖邸有懷

此地官齋飲笙歌饒酒杯南池頗相似東閣亦常開  
獨我安藜藿終年臥草萊長兄曾愛弟不遣一書來

內弟吳子靜為次女擇壻適吳天况

此女心差慧曾通書一編豈云家有教或作婦能賢  
翁儉安裙布妝清淡寶鈿終身今有託祇仗渭陽憐

杏花四首

先君垂手澤二十七餘年花落花開久因人因地傳  
暗香聞夜靜疎藥動風前魂魄長依此三春幾樹烟

此塢昔為圃吾翁始種花碧桃存幾樹紅杏有餘葩  
顏色憐遺澤烟霜惜物華傷心親在日林下酒頻賒

阿兄遊宦久不見此花開豈記數株樹曾為誰手栽  
當

年娛老眼春日坐蒼苔又值東風煖紅英慰夜臺  
看花多過客花下拜吾翁不敢輕扳折相看間白紅半  
開憐半落宜月不宜風碎錦坊如舊長懷裴晉公

有感呈東之

當門的的長芳蘭本欲移來赤玉盤桂樹難爲今日隱  
竹林翻笑古人寬杯中白水還愁醉篋底青萍敢易看  
高座爲誰揮麈柄且將獬豸作儒冠

招隱蜀藻二首

舊時犀管揔無存木柄長鑱學灌園賴有老妻釀麴米  
偶呼穉女閉柴門床頭羞說魚腸劍桁上惟餘犢鼻褌  
近喜故人來往密怪君曾不到江村

吞聲祇合開幽樓豈有桃花路竟迷門外比來無犬吠  
城頭昨夜尚烏啼兒童自我安榆屑車馬期君踐藥畦  
各具性情人不識恨於舞後更聞鷄

携兒繼善過白鹿爲此示之

溪山一覽

考亭題滄浪草堂廷尉述之

字琳瑯三十餘年白鹿莊廷

尉名猶傳帝里中丞功不朽瀟湘階前叢桂干霄漢石  
上青松耐雪霜汝輩穉年少知識源流指點話偏長

舟行湖上又示子繼善

竹裏誅茅築小軒兒曹賴以避塵喧兩三兄弟堪爲伴  
四五年來祇閉門今日乘舟始行路隨時問字到前村  
尋常紙上詩難解指出湖山細細論

舟中偶拈浩然武陵泛舟夜渡湘水

三詩解  
以示之

東白大孟新二首

白郎風骨尚森森蕭寺淹留語素心我老耽詩能度日

客中逢病易成吟橋憐白下春光少

白下橋北盡為大師所駐船渡

青溪雪水深遙向城南望城北看花難與共招尋

方子依稀似白生北來風景各深情貧中婚嫁事相偏

亂後妻孥累不輕觀察祿微還及弟孀廉俸薄可貽兄

最憐相見頭俱白王謝烏衣媿爾名

仲調時在苗僕射幕府

喜南昌李蔚宗移陽羨令二首

聞道番陽李廣文近携琴宦度江雲芝山七載清風苦

花徑三春野雀聞隣省為官途不遠此方作吏事紛紜

比來治行無賢否早給軍儲第一勛

江南郡縣最堪悲烽火初平歲苦饑盡力輸租曾不減

吞聲鬻子竟誰知古來作吏原憎酷今日臨民只少慈

念爾生平為長者坐衙還似廣文時

題從父龔山先生草堂

堂背青溪一徑開柴門中有小樓臺閒將野竹參差種

春買梅花次第栽繞路水光經雨漲隔城山色帶雲來

每逢看月兼看雪多少詩人索酒盃

寄懷童穉公

與君聚散不尋常我去君來各一方破帽正衝江上雪

歸帆纔帶嶺南霜

穉公仲冬自東粵還

相思恰遇秋風冷恨別偏



龍興風雅卷五十四  
逢春晝長兩地一盃紅杏裏新詩又入舊詩囊  
細思却病無佳處只有瀟疎萬竹林酒態儘容終日放  
詩情嬾學古人深老夫得句連聲讀穉子忘機繞膝吟  
更使燈前求甚解身輕不用服茯苓  
李太白祠三首  
癸未來登太白祠只今已越廿年時曾爲憑弔詩無在  
屢遇流離事可悲像擬翰林傳不朽身披宮錦意何爲  
太真入蜀無消息勸爾幽魂酒一卮今日詞風只少蘇  
七寶床頭敢醉吟風流天子却知音漢宮飛燕原無著  
詞客雕龍興不禁力士一朝成朽骨夜郎萬里莫傷心

請將捉月狂名廢江水清流自古今

曹二梁父招遊郭外櫻桃園

爲訪櫻桃博小醺低垂曲徑綠紛紛  
枝頭仰看堆千顆  
筐底傾來飽一斤遊子欲餐還愛惜  
野人親摘見殷勤  
相憐明日烟波上回首遙蟠幾樹雲

留別曹二梁父

芭鞵竹杖向江濱  
趣別須臾君勿嗔  
貪贈名山真足慰  
多携警句更非貧  
青松白水存吾道  
尊酒盤餐累故人  
此去未知重會日  
尺書相報莫辭頻

毘陵送潘蜀藻還白門秋試

孤舟先後泊江濱  
共向蘭陵漫問津  
久客異鄉如地主

每從旅館送歸人我安薄命身多病君著奇文筆有神  
倘遇主司歐永叔眉山從此作名臣

九日憶內日只書秋賦莫精賦

重陽風雨通千里知爾懷予思不禁縱是酒杯逢地主  
也應籬菊繫鄉心甕頭新釀春須厚簾下初寒秋已深  
好祝梅花開趁早待予歸醉北窻陰

送陳賡明公車北上

君去停橈濟水邊捨舟策馬向幽燕雲橫東嶽青峰外  
路轉南池綠柳前縱道阿兄居冷署也應作主餞清泉  
相逢若問荆溪客消息平安賴汝傳

歲暮

老妻釀酒味應醇屈指歸期漸入脣竹葉盃盃當雪夜  
梅花樹樹醉江春久藏甕計三千斛每飲筵環十一人  
况復蓬門聞剥啄紛紛故舊問風塵

歲暮

歲暮辭家歲暮歸兩年霜雪上征衣龍江牛渚千峰舊  
越國吳門萬事非兵甲縱多行路穩客帆常小傍雲飛  
海天颯颯寒風起吹到鄉關願莫違

病中柬楊得之

林外黃鸝寔可聽提壺拈韻出中庭野棠苦李花齊白  
踈竹垂楊色共青病渴慣安司馬壁尚玄還羨子雲亭  
比來銷瘦非詩祟愛我如君勸不靈

先君墓道種竹

墓道移來竹色青影垂天外交蒼冥以茲追養泉臺志  
相守常聞德澤馨百病渾生嗟薄命一身不死託先靈  
佇看萬笋凌華表年並松根長茯苓

從子登岱初度示之

阿咸年漸長初度况逢春好日過容易分陰惜幾巡遠  
存千里志健重百年身束髮無殊景垂髦亦此辰摠期  
人不朽且喜歲無垠吾道求安宅尋源早問津羽毛非  
燕雀汗血是騏驎外舅官巴蜀高堂宦濟濱俸錢差謂  
足膏火未爲貧癡叔名難著平生氣未伸群兒皆穉子  
諸從爾成人竹裏詩盈卷階前樹絕倫慎無如大阮只

合學諸荀努力西窻下文情自日新

擬自君之出矣三首

自君之出矣梅花已再開昔折贈君去今折待君回  
自君之出矣曉妝減青黛間有畫眉時翻覺增愁態  
自君之出矣孤眠白玉床但眠虛半枕常若君居傍

擬王獻之桃葉歌四首

桃根與桃葉並立誰嬌怯寵愛有淺深俱是王郎妾  
莫爲桃葉喜莫爲桃根悲懽會有踈密素心無轉移  
桃葉醉葡萄桃根醺竹葉各能飲一升笑破芙蓉頰  
桃葉令人愛桃根令人憐愛憐無兩心根葉情纏綿

擬孫綽碧玉歌六首

碧玉何足愛全在破瓜時不似章臺柳他人攀折枝  
碧玉未嫁時不識破瓜苦一夕近郎身嬌啼掩金縷  
碧玉初破瓜感郎猶覺淺合懽重合懽私情乃盡展  
碧玉承恩後寸心郎所知感郎年歲久猶似破瓜時  
碧玉就郎抱感郎恩義深縱有十斛珠不及一片心  
碧玉不修容作婦惟崇德感郎寵賤妾在德不在色

金山歌

維北有金臺維南有金山願取金山金高寘金臺間

秦淮曲四首

我昔居秦淮夾岸垂珠簾簾底坐佳麗看人不引嫌  
我昔居秦淮夜半歌明月橋上醉忘歸樓頭吹不歇

我昔居秦淮鍾山山色翠上有叅天松不識何年植  
我昔居秦淮水流何太碧碧水遶朱樓盡是五侯宅

野望

我爲春常惜兼於花最憐春花還似舊憐惜異當年

江風

江風從北起帆席暮爭開小艇隨烟蕩高檣使勢來

泊岸

泊岸先尋酒聞鷄卽問風客心猶自耐鄉路却無窮

風帆

纔與鳩江別旋聞鵲石來榜人筋力省童僕笑顏開

灌花

地僻能容病庭寒賴有春既無求藥處宜作灌花人

贈黃倫叙都閩三首

汾陽單騎任馳驅殺賊功成入畫圖近日漢廷有公論  
不將蕙苾當明珠

五老峰高萬尺餘白雲丹壑盡幽居舊時白鹿無消息  
洞口何人更著書

爲愛名山一片雲得君持贈意殷勤紫霄峰下鴻荒字  
更欲搜竒續古文

贈王子雲

海內聲名四十年亂頭粗服老江邊子雲嬾獻長楊賦  
故向名山草太玄

古意二首

天子年年近妾身一朝團扇惹秋塵婕妤本自無顏色  
何用蛾眉不讓人

趙家飛燕好濃粧姊妹風流禍水香妾在長門井寂寞  
犢車夜夜入昭陽

過彭澤二首

靖節風流久寂寥孤城猶聽九江潮  
折盡人間處士腰  
九曲池飛一片霞柴桑栗里是誰家城頭多少連錢馬  
踏碎東籬舊菊花

吳獻之新婚留草堂一夕卽去詩以嘲之

君在鴛鴦社裏時錦琴寶瑟兩相宜  
山中一夜留京北  
祇恐金閨待畫眉

賊退  
鴉鴨風聲不忍聞  
蛟臺賊火赤江雲  
草堂幸有歸來日  
榻上藏書尚未焚

作畫

折臂傷心久臥遊  
逢人未必畫滄洲  
毫端忽見風雲起  
還是當年顧虎頭

輓某烈婦二首

楊白花飛自有心  
孤翔燕子不容侵  
月下玉梭今寂寞  
金刀擊碎茂陵琴

西子何曾一解顰  
河邊芍藥贈來頻  
綠珠千斛雖多價  
不賣珊瑚枕上人

贈妓

家在橫塘是故鄉  
門前有路入丹陽  
祇今楊柳知誰折  
寄語長安年少郎

東之再遊東浙聞途中遇掠無恙寄慰五首

聞道南塘夜出時  
行人無恙布帆遲  
伏波營裏歸來日  
薏苡文犀好自持

掠盡隣舟估客錢  
長年三老亦蕭然  
何人坐嘯胡床土  
不識平原內史船

一權頻窺細柳營  
將軍海上有雄名  
祇今食邑三千戶

可念當時克皖城  
石家金谷酒成池  
常使黃門殺愛姬  
粗服亂頭無禮法  
醉來休犯挺之兒  
故人遊興特逍遙  
十萬黃金散一朝  
滄海明珠應易得  
不須癡聽浙江潮

白雲亭卽事

聞道仙人愛黃雀

亭上有黃雀橫江四字

昨宵乘去又乘來都緣

子晉多情種日日吹簫上楚臺

病坐

病坐西窗綠滿苔  
梅花未落杏花開  
春風爲我吹愁去

笑取山妻濁酒杯

草堂雜詩四首

群兒讀罷夜歸還  
長者攤書穉不眠  
最是老妻情獨苦  
笑啼爭食滿燈前

濟北江南兩路岐  
蓮池楊柳比南池  
長兄方面官非小  
猶喜清貧似舊時

元日纔過人日催  
燈前又聽踏歌回  
指將三月桃花水  
卽洗蘭亭春酒杯

萱草修莖一二畦  
春來花背似黃鸝  
終朝對此愁還在  
笑指宜男誑老妻

舊院九首

長橋一片菜花黃  
不見墻頭春海棠  
借問灌園年老叟

吞聲無語指斜陽  
春種菘葵秋種瓜  
當時曾駐七香車  
少年過此不相識  
真認於陵仲子家

此地從來恨別離  
溪南溪北柳絲垂  
我今不識長橋路  
二十年前似也知

昔年寒枕皆生煖  
今日春風也似秋  
眼底豈無關盼盼  
別棲燕子最高樓

誰倚長橋春水前  
其人當日是神仙  
飄飄雀髻層層雪  
散作桃花片片烟

四十年前舊柳隄  
五更燈火度橋西  
春眠雙結鴛鴦帶  
那怕黃鸞枝上啼

石頭城上夜啼烏  
啼入青溪似鷓鴣  
繞樹已非桃葉渡

過橋又是莫愁湖

桃葉渡已改爲橋舊院又一莫愁湖矣

折去亭臺且種瓜  
瓜藤占盡百園花  
幾間院口無垣屋  
又與懸旗賣酒家

畫舫珠簾已悄然  
吳綾蜀錦更誰妍  
三山街口胭脂店  
少賣人間百萬錢

### 慈姥山

慈姥山前江月明  
月光江氣兩含情  
孤舟夜半愁吟客  
直使隣船箇箇驚

### 東曹二梁父二首

曹郎山水託幽情  
五嶽逍遙事可行  
豈有匡廬君不到



祇將犀渚足平生  
汝知太白愛青山不記當年五老間  
工部寄詩相問訊  
匡峰深處讀書閒

桃葉渡

改渡爲橋蹟已殊  
許多韻事可嗟吁  
橋成歲久勢不返  
渡廢年深名漸無

顧唐橋二首

東坡往顧唐子西故名之

端明謫後已蕭條  
知己相憐時見招  
祇向溪頭一來往  
千秋名重顧唐橋  
子西當日亦平平  
竊附青雲浪得名  
身後至今傳盛事  
生前由此見交情

聞鐘

客床何物動人情  
夜夜疎鐘兩度鳴  
酒力祇供眠一覺  
四更愁耳聽聲聲

期王右文太史不至二首

分手延津各有情  
聞君久戀惠泉清  
畫船盪盡吳江水  
又向雲間聽鶴鳴

蘭陵相訂菊花籬  
秋老人歸未有期  
陽羨再經茶紫日

洞庭又是橘黃時

陽羨春秋俱製茶

爲繼善製布袍示之三首

連理亭前瓜瓞綿  
須知明善一經傳  
宋元我祖遷桐國  
布素清風四百年

蜀錦吳綾自有時昔賢稽古力如斯休言阿伯官東魯  
妄想椿椒貴繭絲  
僕夫袴襲綺紈新皂隸裘披狐白勻世態江河看日下  
爾曹應作布衣人

姑蘇竹枝詞八首

柳絲垂隱半塘烟秋思潛生畫閣前錦纜特維千里櫂  
珠簾遙捲五湖船  
錦衾別繡野鴛鴦瑋琕釵橫白玉床人去西湖庭院靜  
蓮花生處尚含香  
粧臺深鎖幾時開寶曆金鈿想落梅十二樓中人不到  
東風吹我入天台

越水吳雲易斷腸况兼細雨灑衣裳客衾未薄今嫌薄  
秋夜原長此更長  
欲畫姑蘇豔異圖夷光嘖笑古今無吳宮歌舞沉烟水  
獨有風流在五湖

翡翠樓懸七寶帷鬱金香透紫霞巵洞庭黃橘甘無敵  
休說南閩生荔枝

瑤管金箏月似銀虎丘今夜色如春遙憐臺上千人石  
石上千人少一人  
年年織女怨牽牛路隔銀河萬里秋伏枕不成蝴蝶夢  
吹簫翻惹鳳凰愁

茗溪

舟泊茗溪急水頭水聲流出故園秋夜深醒聽瀟瀟雨  
一滴篷根一點愁

人臥孤舟雪水東忽聞天半起秋風吹來何處無情雁  
叫入愁人雙耳中

展轉樓頭無限情暗風四面雨盈盈客心正怕秋聲若  
偏有梧桐窻下生

吾兄車馬入長安多恐郵亭雨雪寒朝罷若逢僚友問  
野人多病却加餐

雙鳳樓前一个臣麒麟殿上見陽春早朝得與朱衣近  
好奏黃河疾苦民

今日監司入覲來舊時郎署白雲開大官相見無羔雁  
祇有東阿水一杯

午夜朝回更何事定騎白馬哭城東生平知己曾多少  
誰似恩深一范公

旌旗發處色匆匆恐忘江邊有病翁若使家書已先遣  
計程應到竹樓中

喜李山人歸里

芒鞋竹杖信遊蹤五嶽先登泰嶽峰鍊就紫金丹滿腹  
稜稜皮骨似蒼松

東陳朗生

竹裏爲樓近野雲  
春來啼鳥最先聞  
欲將懷袖藏丘壑  
一樹梅花留待君

寄內

麴米交春賤可賒  
釀成一甕似丹霞  
囑君親數幾升合  
待我歸來看杏花

龍眠風雅卷五十五目錄

木厓潘 江蜀藻輯

吳門章九儀來成

同里戴 研導及 叅

章氏有湘 五十六首

孫中麟 五十四首

孫中彖 七十九首

孫中麟

正十四首

章刃亦賦 正十六首

同里漢 刑樂文

與門章 大謝來亦

木里 五留驚掉

龍眠風雅卷五十五目錄

龍眠風雅卷五十五

木厓潘 江蜀藻輯言

孫中麟

字振公號甲符少司馬餘菴公之長子也順治乙未進上少而能文十五歲于庠所交皆

天下士嘗流寓雲間與春澤堂諸子切劇詩文朱子建徐武靜諸名流咸與結僑札之分順治甲午偕弟中象同舉于鄉乙未捷南宮主者方以遠大期之臆傳甫五日而卒初振公讀書金陵之靈谷寺夢謁上帝語以五日進士至是果驗年三十有三海內人士無不為之惋惜仲氏中鳳以次子曰璉為之後所著筆花集過江草諸稿皆大雅遺音也

思悲翁

思悲翁迴谿深谷多烈風奪我美人思悲翁百獸晨夜  
嗥猛虎目光射草中兔盡狗亦死執彼梟母飼梟子

雉子班

龍眠風雅卷五十五

青見屋牙卷三三  
雉子班雄飛從雌集田間田間多稻禾步豕其際毛斑  
爛母能高騫子尚學飛艾而張羅雉子被繫母奈何哀  
鳴只咎田間穀爲喜爲憂機相伏鵬在南鷓在北萬里  
吞遨遊誰能施矰弋

企喻歌辭二首

男兒筋力强出門不思鄉兒女手中死何似死戰場  
千鈞力可舉五石弓易彎霜華未滿頭不願入玉關

瑯琊王歌辭二首

瑯琊復瑯琊瑯琊大道王深閨意易怨客途意易傷  
今年寒勝昔孤兒泣當門阿兄許裁襦廻顧嫂無言

地驅樂歌辭二首

青青黃黃雀石頽唐棧殺麒麟籠殺鳳凰  
病馬欲驅有何筋力老女欲嫁有何顏色

捉搦歌

華陽山頭深井水百轉輓轡方見底女兒臨井空徒倚  
炤見愁容冷泉裏

折楊柳歌辭

妾不如楊柳郎攀作馬鞭出入環郎臂時在郎目前

幽州馬客吟歌辭

南山雖云高幸與北山連女兒雖云好須得郎君憐

烏生

烏生八九子子母相哺羅坐城上女墻邊惜我巡徼郎

彎弓射中一鳥矢從鳥腹穿魂魄飛上蒼浪天阿母率  
其子竄入內苑林木中枝葉綢繆而陰翳安餐  
蠹虫皇居舊深邃苑內無人得至啗我人民安得知空  
苑窈窕又有脩蛇吞噬之白兔乃在平原大澤中鷹犬  
尚復得搏擊之猛虎雄爲百獸王獵人尚得鬻之如屠  
羊元龜生在大澤深淵安得網獲調爲羹啗我人民生  
有命壽夭榮辱各已殊何須嘖嘖怨尤

對酒

對酒歌愁思日月東西馳形容日憔悴中心抑鬱徒自  
悲少頭角崢嶸異羣兒嘗讀書二十萬言冠佩陸離好  
結交貧士使氣貴遊睥睨不羈謂功名可旦夕成立爲

有識者所奇爲流俗嗤憮哉不遇時佯狂避世無人知  
嘗縱遊吳越歌五噫家無擔石之積漱流枕石傲然視  
等夷光華復旦渺難期苟全性命樂天奚疑

猛虎行

江淮有猛虎譬猶北土有鷄豚本在陰谷深山裏一旦  
騰躍入市攫食人嗟虎胡爲入市攫食人目若流電颺  
若奔朝餐復夕殮斷脰撐腸未克其欲張牙奮爪呼其  
羣世少卞莊之力痛哭流涕徃訴泰山君人命日能生  
幾許乃使日供猛虎食泰山君若不聞虎一食人何遽  
論坐吸爾膏并爾脂仰視威嚴如鬼神豈盡白額而斑  
文猛虎毛間垂紛紛貪噬亦難肥其身大黃夏服競相

待皮骨終爲獵者分

仙人篇

採藥華山巔仰首望上清忽逢三老公邀我雲中行縱  
遊雲漢間經歷萬里程先拜紫微殿徐戲玄都城并幹  
螭龍守宮闕何崇閔瓊樹含丹蕊神芝抽紫莖羣真攜  
謁帝華旗雜霓旌謂某有仙骨秘籙署賤名霞漿並玉  
饌飽食令身輕更授藥一丸餌之卽長生攬轡驟鸞鶴  
玉女紛相迎子登八瑯瑤雙成雲和笙久聽娛心意天  
樂渺難名爲歡無停晷不知寒暑更俯視悲塵俗腥穢  
難爲情

隴西行

隴坂天咫尺隴樹何微茫隴上明星密隴頭流水長古  
木熊羆倚巉岩虎豹藏行人步躊躇并邑遙相望自言  
谷少年喜誇筋力强結交四五人意氣日飛揚腰懸大  
羽箭身披鐵裊襜乘輿試一出所獲盈路傍歸來呼主  
婦置酒開中堂命婦遍拜客顏色各非常高歌日沉醉  
五自成行上馬不迴顧戮力向沙場援攀度層嶺魚麗  
涉飛梁畧陣先摧勁追寇必擒王生當封公侯死當爲  
國殤

豔歌何嘗行

生男爲金吾生女爲姁好園林多負郭甲第起通衢鄠



杜田萬頃徵收付豪奴威福自我作百僚望塵趨珍異  
輪郡國重寶敵內帑大官賜玉饌刻鼎薦膏腴上尊盡  
百斛醉後妖姬扶妖姬刻兩行顏色人人殊但得長如  
此豈羨刻仙癯

枯魚過河泣

河中有遊魚肆中有枯魚遊魚笑枯魚謂爾何太愚行  
行人網罟貪餌捐其軀脯腊憑刀俎能求似我不枯魚  
泣寄聲生死孰預知我無似女日女有似我時江海雖  
茫茫難保千歲期煦沫意自適豈覩後來留

白頭吟

堅如山上石白如檣中壁自君有他心堅白非疇昔疇

昔鳳求皇哀鳴無朝夕鳳已得其皇中道忽棄之今棄  
一何易管求亦何爲曲池明月光炤見兩鴛鴦禽鳥各  
有匹生死不相忘兩人皆白頭庶保無異心頭上髮未  
白未可相信深妾無百種態值君情至時妾無百種媿  
值君恩絕時床上綠綺琴是妾嫁時媒新絃置在膝舊  
絃棄成灰

擬古雜詩二首

首春多風雨沉陰翳朝陽地氣苦界濕默坐增暗涼仰  
視高飛鴻磬磬歸路長禽鳥有至性觸物生慨慷穠花  
媚初景信美非吾鄉天未白雲浮門閭倚相望羽檄日  
紛馳豺虎守關梁旣鮮凌風翼臨河空寒裳

曠世有佳人威施失其美素質廢鉛華顏色勝桃李二  
八備女儀姱脩協彤史生憎不逢時疇能揚皓齒衆女  
嫉蛾眉鑠金懼積毀辱隨老齊至貧與病相倚常恐先  
露枯槁没芳芷貞性不苟合十載空閨裏

述感二首

大才貴忍辱久客恒畏人歡笑非衷曲顏色何要津欲  
語還捫舌枉道誠足遵五陵多豪華難喜復易噴杯酒  
少失意叱咤忘主賓吞聲匿形影屏居安賤貧淮陰出  
胯下名世愛其身

贈編與指困九京妾可作勢集朋好殷時去親串薄悔  
爲弧矢誤軀命他鄉託賃春吳會間荷篠披藜藿僕夫

多怨尤饑寒顏易怍出門遇貴遊偃蹇增驚愕微妾實  
管蒯安敢比蘭若既無萬里風空違三徑約

咏屈平

曜靈欲合景帝業啟嬴皇六雄紛自滅荆漢倍堪傷宗  
袞擅英畧辭令動四方靖共憂國恤好修獨爲常謠咏  
移君志成言忽已忘朝進託肺腑夕還委遐荒商於空  
有約布衣老咸陽逐臣還惓懷天問徒茫茫遠涉匪憚  
勞敬止維梓桑積誠終不悟畢命向沅湘信史揚徽音  
日月與爭光

月夜歌

風吹雲散天如水明鏡高懸共千里瀚海初離挂樹梢

音賦屈雅卷五十五  
華榭旋臨滿瓊卮玉衡廻轉銀漢連樓臺如晝夜如年  
蟾蜍圓景期三五宿鳥芳林鑿毛羽冰輪一派喘吳牛  
桂魄三更啼杜宇幽隙層崑明不遺穿簾入隙影相隨  
沉沉碧落關山迥榆黃沙白映旌旗征夫夜起愁不寐  
倚馬看劍腸斷時嬌姿絕代深閨老春華秋色倍淒其  
羅幃光徹淚霑臆織錦流黃寄遠思朱門香霧罨愚隱  
杯汎珠輝鬧鼓吹天上望舒無異照人間成喜或成悲  
嫦娥自耐千年寡閒譜霓裳撫桂枝聞道羣仙能却病  
紛紛搗藥欲何爲滅波淪地露華白徘徊顧影傷行客  
春草萋萋客不歸遶樹驚看烏鵲飛雲際獨分鴻鴈影  
夢中時舞老萊衣文魚青鳥無消息江南江北望清輝

憶管官家臨內殿懸收舞罷鳴琴薦趙女通宵奉玉輿  
班姬永夕悲紈扇黍離明月漢宮秋綠蔓黃花麋鹿遊  
風景依稀朝市變繁華瞬息付東流帝閭茫茫應難問  
人生失意莫深愁舉杯邀月須沉醉漱灑金波不久留

子建作四時行樂詞屬予爲長歌序之

君不見黍離以後風變雅跼天踏地悲行野又不見美  
人遲暮憶西方猗蘭還操王者香君不見三閭靈修傷  
數化呵壁問天晝如夜又不見君家大夫賦悲秋羈旅  
失職心煩憂東田有客長太息極目滄桑淚沾臆宮商  
獨譜行樂詞詞中深意人誰識行樂芳晨歷四時采蘭  
競渡日紛馳登臨獨著龍山宴朝會還傳亞歲儀曜靈

匿景浮雲障人間令節增惆悵風流懷古自情淡慨慷  
當歌空餘愴音調只今軼宋元白雪陽春推絕唱吁嗟  
乎清平醉草真仙才秦宮漢時生蒿萊揮毫誰進上之  
回網羅矰弋競相待刻羽引商庶無罪江潭澤畔獨行  
吟騷魂千古應常在與君淪落感慨多相期招隱北山  
阿飲君酒聽君歌卧龍躍馬無消息好景難留奈樂何

陽春曲

蒿藍水漲金塘曲一夜東風芳艸綠十里垂楊拂大堤  
疎烟織月照棠梨平蕪廣甸初馳馬曉日高臺早鬪鷄  
小欄名萼凌晨粲黃蜂白蝶花前亂美人二八臨紅樓  
艷粧歡笑不知愁陌上少年多輕薄停鞭回首窺珠箔

清明上巳踏青忙會向河洲贈芍藥渭城清淚出金人  
苑柳渚蘋空復春昭陽舊日雙飛燕獨向荆榛尋故殿  
薇帳華燈久寂寥嘆息繁華如逝電寄語燕子急高飛  
莫試射鵰白羽箭廢綠殘紅宮井迷採香徑上草萋萋  
春風忍聽人離別歸鴈流鶯避鼓鼙行吟澤畔頻搔首  
蒼天萬物同芻狗漫道青陽傷客心春月春花亦難久  
林間日煖鶯自歌芳長徒憶舊山河陽春一曲愁千結  
欲挽韶華奈老何

懷章秀博

憶答吳關別子時重會惟訂一歲期曰子嬰累風約違  
兩看黃菊發東籬我輩不須訊近狀大都貧病不惆悵

西山薇蕨不療饑光華復旦今安望吾子風流正少年  
東箭南金世所傳先人遺書手不釋蒲柳可編松可然  
頻年賃春伯通廡近聞遷居依世父西華子孫憐者稀  
後世方知廉吏苦去年十月得君書至今兩地信音疎  
秋風自動尊鱸思特寄邗溝雙鯉魚春澤堂中諸君子  
爲我遍訊各何如

早春郡遊寄內

倏覩雲中鴈嗷嗷動客心影孤憎皎月夢破恹寒衾嵐  
霧臨晨重霜花入夜深倦遊何所遇休作白頭吟

襟感詩三首

滿地驚秋色流螢點客衣有鄉偏欲別非類強相依閨  
遠應難叩囊空豈易歸辭巢孤燕子社日傍誰飛  
知已參辰隔頻年只索居西臺官自熱南省禮應疎此  
地聞無鴈何緣得有書嶺梅開幾度曾否念樵漁  
漫思高隱地觀望罪漁竿影爲清波愧人誰白眼看何  
從言士氣原未有儒冠樂卻狐先後求爲皂隸難

關月

明不遺沙磧流光炤荷戈玉蟾臨瀚海叢桂冷交河半  
夜青烽舉征人白髮多引杯時看劍容易醉顏酡

宮月

君恩不及月猶照妾愁容魚鑰珠輝迥椒風桂影重姮  
娥偏耐寡薄命喜相從漏盡明河沒淒涼怨曙鍾

樓月

地迥樓陰直天清宿霧收風烟含萬井砧杵動三秋桂  
子當簷落河聲近檻流登臨愁極目何處是滄洲

野月

芳郊凝曙色古木玉繩橫永夜自來往無人更送迎江  
山公一照烏鵲夕多驚萬里荆榛日殘燐傍月明

喜吳備三喬梓歸里用姚彥昭駕侯韻

明月高秋動遠思忽逢匹馬駐青絲丹楓錦樹人來後  
白草黃雲鴈度時杯酒尚堪消旅恨河梁且莫計歸期  
望衡對宇時相訪聽爾趨庭夜論詩

寄懷方與三

披裘戴笠鬢成絲寂寞離羣且歲時湖海竟無容足地  
風塵誰是買山期因思白下千秋會將勒黃初數子詩  
鴻雁正來書信杳伊人何以慰相思

喜得家書知生女郎賦寄懷余時客維揚

開緘且喜說平安何必懸弧叶夢蘭生計反因爲客拙  
笑啼總是作人難病餘參附休嫌苦秋後晨昏應避寒  
遙憶呱呱頻灑淚將雛爲爾勸加餐

送戴山民公車二首

竹馬交情三十年飄零湖海獨相憐看君已給尚書札  
蹇我還乘少伯船春雨應沾蕉葉袴霜花先上豹文韉  
赧顏爲送登仙客霄壤中分意惘然

剡水家風振羽翰，驪駒低唱傍闌干。新知自慕雲霄近，舊約休令車笠寒。宿老文名應結綬，狂奴故態愧彈冠。曲江水落看雙鯉，莫惜閒書慰釣竿。

春仲夜集姚聲侯洞房刻燭限十四鹽

銀河初向女牛瞻，春樹花深蝶粉黏。絳燭喜看金粟滿，沉香頻見博山添。懶雲入夜常依戶，好雨生寒尚隔簾。年少已傳紅錦段，應將新句集香奩。

宋子建招同侯研德登東田鳳想樓限韵

輕舸初放此經過，重訪當年舊薜蘿。雨助暮潮銜岸潤，樓依叢桂受香多。到來逸侶充三戶，譜得新聲續九歌。信是吾廬高卧穩，九峯回炤滿平莎。

上曹秋岳先生

短褐從來不受憐，獨投片刺拜君前。豈因鸚鵡輕仁祖，曾以鷦鷯重茂先。樂府何人歌白苧，瑤堂有客聽朱絃。東阿倘鑒窮途淚，但捉蒲葵自值錢。

秋月

沈寥氣迥晚烟收，瑤鏡霄懸上玉鈎。青翰夢歸滄海曙，黃陵木落洞庭秋。藁砧響發溪閨怨，團扇恩衰秘禁愁。羌笛塞笳悲永夜，幾人清嘯一登樓。

春望感懷

令節逢青帝，芳郊淑景同。花迎神女雨，樹避大姨風。丹嶂斜陽外，黃鸝嫩綠中。深山藏杜若，皎月送歸鳴。就煖

前明風雅卷五十一  
鯀魚出疏泉曲澗通依依攀舊柳濯濯引新桐栗里年  
空紀桃源路已窮探幽常藉卉涉險更攜筇有恨存離  
黍多憂賦草虫從茲名姓隱混跡向墻東

函雲先生初度詩依韵奉和三首

思曼風流仍肅然鹿門歸隱已多年閤中藜火宵同晝  
竈下晨炊滅更然白苧頻酬青玉案黃鸝閒聽綠楊天  
挂冠不待懸車日種秫曾無負郭田碧落三山還馭鶴  
黑衣九帶每參禪雪花夜月焦廬外菊葉松濤栗里前  
老至猶饒濟勝具興來還結看山緣陽春一曲誰能和  
窺豹從今喜得全

春星偏伴讀書堂漫爲滄桑意易傷庭列魚須前代笏  
囊留鷄舌舊臣香灌園東海非谿刻罵坐蓬萊是酒狂  
潑墨好書裙面字持螯更舉醉餘觴綈袍誰解憐寒客  
明月空攜返故鄉同室且看荆樹盛傳家不用橘奴忙  
床頭有傳名高士花下逢人似上皇  
郎官豈掩少微光

晚菘早韭佐饗殮斗酒中宵更醉髡自分著書營土室  
應看虛席過屯門江籬易助騷人恨春樹難招望帝魂  
甘學採薇過白日忍隨入洛走朱軒多時闕閱平泉貴  
此日文章水部尊贈綺遺風懷季札傳經舊業付公孫  
已知綺季原無恙却似靈光巍獨存星聚高陽占太史  
絲綸世掌必金昆



玉妃

歿豈三郎意驚看中肯傳此生猶不保胡結再生緣

春宮詞 社題

名屬昭陽第一人笑啼唯與至尊親為貪春睡嬌無力

轉厭官家召幸頻

春泛 社題

春水潺湲發權歌杜鵑啼處落花多五湖空有扁舟意

日見湘靈弄素波

久客寄內二首

馳驅若不厭風塵匹馬孤舟寄一身自笑入門翻似客

年年書劍作征人

前日申申正詈予皖江一月信音疎亦知別恨書難盡

雖有江鴻懶寄書

**章氏有湘**

字玉篴又字令儀號橋隱華亭行取縣令章公簡之次女進士孫振公之繼妻

也女兄弟五人咸通書史幼時嘗背誦擣衣篇長恨歌一字無譌父奇之隨宦遊閩中絮鹽唱和流傳又生女亦殤早夜佐讀刺繡其旁相莊生子殤又生女亦殤如實振公舉南宮五日而歿玉篴捨地呼天絕而復甦以有後勉為撫之扁居一室長齋事佛嫻成罕見其面所著澄心堂詩望雲草再生集訴入雜紀皆孤猿寡鵠自寫其憂傷哀怨之音君子讀而悲其志焉

晚眺

嶺峻隱青猿松高飛白鶴山雲挂樹梢風捲殘英落新蒲已抽芽細草媚崑崙景物最傷心桃李還如昨誰家

音賦風雅卷五十五  
少女郎背立鞦韆索貌態衣不勝歡笑風前樂春來無  
所爲闔草爭花萼何事深閨人終朝常寂寞

上清芬姚老夫人

前歲春王正月時相逢邂逅稱相知促坐合尊浮綠蟻  
賦詩往往同襟期清芬一卷香拂紙君家才藻世無比  
謝韞休題柳絮詩班昭漫續東觀史書法絕勝衛夫人  
畫像並傳吳道子堪嘆孤燈五十年湘靈哀怨託水絃  
此志爭光惟日月相舟不數共姜堅一生只在閨中老  
鉛華罕御曳素縞可憐鶴髮白如絲膝邊更少宜男草  
我爲君悲作短吟愧無佳句比南金相思未得常相見  
張望楓林白露深

寄懷振公二首

分袂看君去那堪客思侵辭家來楚水多病作吳吟飄  
泊慚歸雁淒涼怨晚砧夢魂依左右惜別指前林  
看月懷連理閨中只一身君書青鳥絕妾恨翠蛾顰堤  
柳疑驅臘江梅欲報春夜深寒犬吠或是遠歸人

和外初七夜見月有懷

捲簾頻悵望含淚見婆娑憶爾征途苦憐子旅病多堦  
除無玉樹天際有姮娥偏照同心客娟娟奈爾何

病中

天涯只一身百病日爲隣庭雪思諸妹山雲憶老親葛  
裘頻換歲藥餌不知貧薄命應惆悵愁來淚滿巾

九日雨中有感

每到茱萸節思親淚滿衣難禁心耿耿况對雨霏霏故  
國秋萸老他鄉客夢稀登臨憐弟妹竟作彩雲飛

秋懷

露華寒夜滴柴扉留滯天涯未擬歸吳下雲深鴻雁杳  
楚江秋老鷓鴣飛穿針結縷人誰共咏絮吟風事已違  
聞道故園萸菜熟他鄉回首淚霑衣

得家報和姊來韵

五夜飛霜月色寒蒼茫雲樹隔江看蛩吟枕畔心全碎  
雁過窻頭淚欲彈獨喜梅花能寄信應憐萱草缺承權  
夢中不記家千里依舊談詩共倚欄

寒夜憶弟

虎丘分手已三年彼此含情更惘然異地獨棲惟涕淚  
鄉關遙望隔雲烟自思將母慚余拙所喜傳家賴爾賢  
繚繞鴻飛看不得江心何日動歸船

次玉璜妹來韵

記得西窻剪燭時鴿原回首忽天涯夢魂不覺吳山遠  
愁緒惟應夜月知畫閣焚香春泚泚繡簾飛燕晝遲遲  
相期泖水歸寧日重與殷勤話別離

雨中即事

簷前兩日瀟瀟雨江上三春黯淡風啟戶忽驚芳草碧  
登樓初見杏花紅呢喃漸有尋巢燕嘹唳徐聞出塞鴻

景色新亭應不異空勞痛哭怨途窮  
同外和船上韵

離鄉千里到天涯楓落吳江雁影斜  
夜久不眠虛夢蝶  
村溪有樹隱啼鴉涼生玉露侵衣袂  
水漾金波盪客槎  
遙望荻蘆秋瑟瑟愁中容易度年華  
別四叔母

楚澤招魂事渺茫一門忠孝死何妨  
覆巢尚賴持門戶  
破產那能覓稻梁梓里相逢如夢寐  
河梁此別又參商  
一經不廢孤兒業織素空餘兩鬢霜

三十初度  
占星猶幸見長庚彈指流光易變更  
攀樹幾揮楊柳淚

緜詩偏動蓼莪情雲邊彷彿來銅狄  
簾下依稀聽玉笙  
欲采紫芝歌一曲齊眉且為祝卿卿

送外公車北上

雪夜殷勤奉酒卮臨歧何必淚如絲  
一羣鴻雁離家日  
三月鶯花得意時咫尺燕臺雲路近  
平明金殿漏聲遲  
相憐不盡迴腸語只在瀕行幾句詩

哭夫子十首

一自公車去不還從今信有望夫山  
赤繩虛繫三生約  
紅淚惟餘兩袖斑訣別未親真恨事  
夢魂時傍見懽顏  
也知修短原無定豈料榮枯頃刻間

千里良緣合唱隨于歸不滿十年期  
最傷薄命分鴛侶

猶幸高名占鳳池故國泥封聞信日長安春色看花時  
無端遽赴修文召不啻空閨怨別離

日日傷心靜掩門每因春草憶王孫空閨形影那堪問  
滿架圖書今尚存十六年前靈谷夢夫子讀書靈谷寺  
夢謁帝有五日止

淚痕語三千外杜鵑魂孤燈厭聽梧桐雨偏送愁聲漬

父子夫妻總幻因夫子先有數盆之感  
又屢罹西河之痛夜臺相見可相  
親無端生死偏推我不定功名却誤人遺得文章驚四

海寄來錦字恰三旬三月得泥金報  
四月計聞矣待乘雙鳳君先太  
寂寞蘭閨未死身

幾度悲秋秋已闌迴紋裁就向誰看錦衾人太鴛鴦冷

銀蒜簾空翡翠寒無復音容還故國空餘旅櫬返長安  
昨宵夢裏分明見依舊看花倚畫欄

遙憶牛衣相對悲那堪富貴便分離姓名始入黃金殿  
麗藻終傳白雪詞淚灑在原當此日魂歸華表竟何時

孀閨寂寂腸應斷玉鏡臺空忍畫眉  
銀漢霜華下井梧愁心曾耐夜啼烏月移粧閣侵書幌

風動形容出畫圖夫子臨別以寫  
照一幅示予咫尺相看言笑隔依  
稀偏怪夢魂無含情獨對芙蓉帳一任香銷金鵲爐

挑盡殘燈淚滿衣空階細雨正霏微愁凝長夜難成寐  
夢到相逢不忍歸夢同夫子至雲間省  
母二人相對泣下人去依然同色

笑覺來何處覓庭幃悲涼此際還家日楓冷吳江一雁

飛  
瘦影臨風憶所思  
冰心裂碎更誰知  
分棲怕覩連枝樹  
續命空傳五色絲  
閣下招魂憐有弟  
墓前執紼痛無兒  
閒來到處撥遺稿  
開篋篇篇黃絹辭  
蜀魄啼鵑道路長  
鶴鴒無復雨連床  
中郎事業書千卷  
子敬人琴淚幾行  
不死丹心終化石  
餘生青鬢總成霜  
與君不共齊眉案  
紙閣蘆簾瘞孟光

哭四妹盛夫人兼得遺詩感賦二首  
翠袂遙分意惘然  
春心何處寄啼鵑  
招魂白髮垂雙淚  
薄命紅顏葬九泉  
潘岳悼亡詩正苦  
左芬啄木語堪憐  
別來猶憶深閨內  
枕被曾同十二年

人太粧臺冷  
畫眉殘脂零粉倍  
凄其挑燈共剪蘭  
苗日玩雪同吟  
柳絮時荒徑寒烟  
埋弱骨陰房憐  
火泣芳姿縱然魂  
逐香雲散猶有  
亭亭玉樹枝

松聲閣潘太夫人和予雜感詩賦謝二首

柳絮吟成同輩驚  
知心血淚各傷情  
嬌兒佳壻魂難返  
萱草椿庭恨不平  
我爲今年殘玉樹  
君曾舊歲哭冰清  
蒼葭白露秋風際  
共有愁懷訴月明  
天問詞成祇自哀  
是誰傳送到粧臺  
勞君秘帳多奇句  
媿我他鄉乏賦才  
花落花開忘節近  
秋深秋淺任時回  
詩腸難盡傷心語  
病裏霜華上鬢來

九月四日先母忌辰感悼口占焚寄泉下

仙逝今朝已六周時經風雨菊花秋陰房有子斑衣奉  
冷墓無兒玄兔遊身後連遭雙妹死三妹字玉璜生前  
只爲一人愁他鄉灑盡松楸淚遙祭憑空奠幾甌七妹字掌珠

昭君怨

紫塞一身去琵琶帶淚彈可憐埋骨處青塚古今看

婕妤怨

憶昔曾辭輦承恩此日疎長門雖有賦不用買相如

白頭吟

皎皎琴臺月涓涓錦水春白頭吟七就好謝茂陵人

秋夜新晴見月二首

幾日紗窗外秋聲雜雨聲遣愁愁不去始見玉鈞明

蟾光照濕樹鴻雁叫清秋無限凄其意傷心獨倚樓

思歸二首

百花開徧又春殘獨在天涯別淚彈離恨欲煩青鳥寄  
雲深水澗到應難

爲憐離別思悠悠不掃蛾眉掩翠樓杜宇似知人客久  
不啼春去過墻頭

冬夜同振公步月言懷二首

落葉蕭蕭月滿庭懷人無語倚朱屏誰家笛奏梅花調  
遊子那堪隔院聽

生不歸鄉老若何免教時刻淚痕多不如化作天邊雁  
也向秋來一度過

過采石望太白祠

江天遙望水雲連  
荒廟人傳是謫仙  
今日我來君不見  
芳魂疑向酒家眠

初春

折取池塘嫩柳枝  
一年風景換新時  
深閨思婦征途苦  
多少春情夜月知

至日泊舟江上大風有懷

令節初逢起問程  
停橈還喜片帆輕  
旅魂欲到親幃側  
一夜江聲夢不成

家園白牡丹

天風昨夜曳仙裙  
縹緲高臺一段雲  
好共海棠春睡足

不將濃艷嫁東君

賞花憶外

月明把盞對瓶梅  
窗外芳菲取次開  
却憶看花人未到  
好留顏色待君來

作書寄長安口號

接得泥金喜氣新  
孟光從此不愁貧  
今朝見說來青鳥  
寄與長安得意人

仲秋哭子悲感遺物八首

床帳

臥床鋪設起塵烟  
祖母恩深望鶴旋  
死別忽經三月後  
至今總帳尚空懸



至今鞋靴

錦靴朱履趁新裁  
戲彩萊庭日幾迴  
出入未嘗離乳母  
孤行爭得到泉臺

紗袍

每觀空箱拭淚痕  
幾番夜月待歸魂  
錦綾繡緞衣俱化  
惟有紗羅篋內存

珠帽

珠翠玲瓏八寶粧  
見時猶得想容光  
梨花粉面人何處  
博盡慈親淚萬行

端硯

一方紫石巧雕成  
曾伴嬌兒一二更  
帶草連真無限字

自從魂斷暗塵生

龍墨

硯水爭如雨淚多  
雙龍冷落事如何  
晚來攜取燈前喚  
不見纖纖玉手磨

錦箋

心痛難將舊物看  
雲箋字跡尚瀰漫  
欲知阿母情何限  
濕透金花淚不乾

彩筆

大父曾教把彩毫  
義之家法自然高  
生成伶俐超凡骨  
不與人間作鳳毛

秋夜禮佛二首

人生勞碌欲何如富貴恩情總是虛長跼慈悲來指引  
早開慧眼一憐予

寂坐蒲團心自明敢將兒女苦縈情恩仇了却今生事  
從此彌陀一念誠

孫中彖

字易公號蓮溪司馬餘菴公第三子少穎慧非常談經史異同如數一二工詩賦所至以雅宗相推挹順治甲午與兄中麟同舉于鄉踰躓公車凡五上不見收丁未被放遂出居庸關遊塞上多感遇不平之作未幾以病卒于旅邸聞者為之泫然所著有棲月堂詩集凡十餘卷

咏懷

高堂良宴會絃管遶羅幃華燈燦鸞臺芳草依蘭池公  
子夜行遊冠蓋相追隨金蕉泛瓊英羽爵何參差明月  
照華筵綺麗有餘姿良時不可再懽極盡成悲鬱鬱庭

中樹早已萎榮滋俯視玄霜飄仰見朱華披倏忽嗟播  
落哀樂誰能持

渡淮望王家營

日落長淮西登車寄遐想憑高瞰平陸千里皆榛莽徐  
州四達衢古稱沃壤南北起戰爭茲焉實保障英雄  
既云亾人民亦凋喪遊覽極淒涼懷古生悲愴立馬首  
重搔乾坤正蒼滂

冒雪曉行

雪積夜無聲啟篷孤光入非不避凝寒歲月忽已迫四  
顧天地閉萬象驅溟渤違時涉大川勞悴弗遑恤蒸火  
蘓我僵到村已昏黑秉燭對弟昆叩門呼酒急

昇天行

雲飛仙人住太華結茆玉井餐丹砂雙鳧醉踏金芙蓉  
手撚一枝珊瑚花俯向清河拾文藻使我服之顏色好  
應從閨苑歌瑤觴不向崑崙鋤芝草鷄鳴天上犬雲中  
翠羽霓旌下碧空處處金漿留許穆家家酒脯拜壺公  
有時乘風跨黃鶴朝遊三山暮五岳玉椀調來白鳳丹  
金盤搗就玄霜藥謁帝驂鸞上玉京扶桑何處赤龍迎  
春宵弄罷雙成笛緱嶺同吹子晉笙王母宮中盛開宴  
飈車乘入蓬萊殿洞陰磬和八琅璇文琳綬挂揮精劍  
盤中火棗大如瓜同誰食之萼綠華丹竈沉沉炊絳雪  
仙杯細細酌流霞酒闌宴罷看新月攜得青花與白蕨  
歸來不駕五雲車冉冉清風下瑤闕

高堂行

雕盤夜泛椒花雨斑麟髓雜紅虬脯玉版金柑佐玳筵  
白露清酥盛螭簋尊前侑酒董嬌嬈明珠翠羽插鷄翹  
碧濤深酌龍頭瓊紅袖輕扶鵲尾杓瑤席仙杯鸚鵡汎  
蠻歌孤管鳳凰調手中倒執金蕉葉座上歡持柳瘿瓢  
主人笑擲琉璃竿銀鞭牽出追風馬頭著羅巾琥珀簪  
腰懸寶劍珊瑚靶肅容登筵勅綺厨頻瀉瓊漿溢玉壺  
豈蔻衣薰沉水座鷓鴣香爨博山爐蓮花幕裏開芳宴  
翠管金箏集羣彥酒酣誰賦白雲篇醉掣芙蓉五花簞

龍潭曲偕子建燕又楊姬舟中作

粼粼西潭吹素波明雲織夜紅紋多涼雨牽絲向空綠  
湖光頽澹寒青蛾暝香濕渡樓船暮擬入圓蟾泛烟霧  
銀燈炤水龍蛇吟傾杯不灑人間路美人嬌對參差風  
斜抱秋心江影中一曲清歌晚雲散赤鯉撥刺芙蓉東  
摘取霞文裁鳳紙春蠶小字投秋水瑤瑟湘娥鏡裏聲  
同心夜夜巢蓮子

補山堂歌爲些庵尊者題

舟居不必水招隱不必山滄漭之涯結茅以容錫我欲  
置身千崑萬壑間先生矯矯雲中鶴挂席江干采杜若  
不信輕波薄霧中梅檀寶幢成樓閣石華紫桂雲嶠孤  
千里直望巴陵湖四圍峰翠一何有半壁名山宗炳圖

十年荆楚烽烟赤短衣蓬鬢安所極愁說茫茫大澤邊  
含毫空灑騷人泣吁嗟乎南山猛虎食人多北海鯨鯢  
盛風波山川何處可避地菰蘆是否辭且羅我欲從君  
隔江水邂逅石公言未已三秋楓接洞庭丹五岳氣連  
雲夢紫君不見空同曾作東山歌補山晚節尤嗟峨

寄懷許松牖刺史冀州

機雲磊落誠人傑系出將門更奇絕君亦頗牧之子孫  
居然海內文章伯憶管待詔明光宮相如詞賦長沙  
策騰驤燕市驂騮空寶馬連錢真蹀躞出宰淮南有異  
聞楚州徃徃稱神君子也拏舟適相訪射陽湖畔花如  
雲入君之堂飲君酒肝膽照人成白首一朝頓挂神武

冠布襪青鞋歸卧久單車又指蒼梧城  
桃榔樹下鷓鴣鳴人生宦遊那可料  
蠻烟瘴雨空縱橫卽今領郡漳河  
北父老懽迎動顏色如君豈第牧守才  
函牛之鼎烹鷓鴻清操惠績何嶙峋  
行看曳履上星辰憐吾坎壈不得  
意疲驢旅食京華春近入龍眠領烟霧  
思君不見徒逡巡裁書爲附謝靈運暫  
向天邊問許詢

時以書屬謝真定郵寄

灌硯歌爲李梅公先生賦

吉來堂在西園畔小橋曲徑香風暗  
牙籤鄴架賜書多檀篋珍藏青玉案  
天生金粟五梅花相傳硯瓦將軍灌  
灌公祠屋何處尋半段紫雲出池岸  
中邊疑存戰血痕翡翠斑斕光不散  
風霜剝落蝕蒼苔聲聲擲地宮商按

劉家陵墓委荆榛戕然片石留前漢  
雩廟模糊太守銘龍尾彷彿坡公贊  
揮毫潑墨似有神莫作銅雀一般看  
君不見李司馬綠野園亭意瀟灑  
鹿門偕隱推風雅新詩琳琅人競傳  
千年神物知者寡游子脫帽柏亭下  
寶篆名花浮玉笋一朝頓識灌硯瓦  
金質黃流不忍舍梅花五瓣何爲者

姑蘓懷古

漁火孤村出春江水亂流張融留故宅  
范蠡有扁舟人太琴臺冷風歸響屨  
秋舫艤何處泊好問百花洲

喜晴

曉露含山翠新晴噪晚鴉酒旗懸驛店  
村樹隔人家紫

竹霜前笋紅蕉雨後花人烟行處斷空有數椽斜  
九日丹陽道中

落日樵歸唱清江度遠鴻草深疑路隔樹盡覺山空邊  
馬嘶秋野漁舟起晚風鶴林前在望可有杜鵑紅  
江干阻雨同山民導及

細雨沾芳樹潮聲野岸秋雲連千嶂沒風亂片帆浮淺  
草眠村犢輕波浴渚鷗銜杯同是客共醉木蘭舟  
懷張處中

烟雨吳江冷風霜故國寒飄零忘歲月湖海變衣冠  
葦秋來美梅花客裏看何時聞鶴唳共醉聽更殘  
寄懷宋子建兼示楚鴻

江海橫流客招尋獨有君大家容寄廡尊酒細論文  
天澗東吳樹秋深歇浦雲懷人無信息愁坐對夕曛

春仲偕諸兄弟遊椒園  
荒徑椒何在空餘勝蹟傳山樵行樹杪沙鷺浴寒泉水  
向千峰落花從半嶺懸誅茅成小築慚說李龍眠

壬辰憂旱  
已憂旱太甚况復苦徵輸竟絕雲霓望驚聞河水枯療  
饑無椽實炊飯憶雕弧野哭家家徧何人繪鄭圖

皖上夜坐偶成  
紅葉千峰徧黃雲萬里翔鵲鳴天外影鴻雁月中行旅  
思驚刁斗愁懷攬驪驢年年常作客還是孟襄陽

曉發練潭

一夜霜如雪思歸不畏寒日從波底出山向馬頭看野  
店烟初直溪河水未乾倦還何所事吾欲老漁竿

南歸舟行紀事

南去河流逆扁舟興已微潮隨青野濶帆逐白雲飛細  
雨魚吹浪危檣婦曝衣年年春草綠催得幾人歸

晚泊

公國經千里歸途已一春荒原常斷酒落照少行人柳  
暗虛晴色天低起暮塵茫茫漁火亂早見月華新

贈陸集生

十載雲間路行舟許暫同孤衾波浪裏疎雨荻蘆中刈

麥盈南畝停橈候北風盛名推大陸底事亦途窮

武城懷古

小邑民風古殘碑卧淺莎城荒人徑少野濶鳥聲多賢  
宰千年在輕舟半夜過潺潺流水響彷彿是絃歌

舟行南湖

九月秋聲急寒潮打客船風疎菰蔣路晴熟稻梁天村  
近人烟接山稀浦樹連青帘隨處挂只乏酒家錢

南池訪李杜遺跡

風景江南別園林足卧遊斷碑遮曲徑疎柳見高樓野  
曠鳴蟬寂秋歸落雁愁無人論往事惆悵一孤舟

寒食

寒食誰爲主荒荒對夕暉  
殘碑春草護古殿晚鴉歸  
弓劍千年在松楸一望稀  
祇今勞報祀風雨暗靈旂

雨中薇菴見月

暮徑穿泥滑燈殘剝啄驚  
衣知霜欲重牕報月將明  
世事供長嘯山川話舊京  
濁醪還往裏無限客中情

表忠觀

識時誠俊傑忠觀至今留  
錦繡迷荒嶺公有衣錦山魚龍識

故戾弩沉天目雨碑老武陵  
秋尚覺雄圖在江濤不敢

流

哭康小范二首

冰雪滄州道驚傳小范回  
三年江上別八口故鄉來情

緒經愁減鬚斜入夢猜訃音  
初不信天意或憐才

哭君君竟死挂劍嘆浮生  
百戰身還在重泉志不平  
風

雷名士骨山水故人情遺草  
兒能讀孤鴻夜夜鳴

懷王暄文戴山民楊欽四姚經三由陸路南歸

並轡嘶征馬塵沙上布袍  
山光行處斷野色望中高  
驛

店人情熟江河客夢勞  
同時憔悴伴短檣滯風濤

寄懷徐月鹿樵關二首

淮楚逢君晚星輶自北來  
酒同寒夜靜門爲故人開  
草

檄存當日談詩有別才  
離愁江上月夢繞釣魚臺

孺子南州士孫登興更狂  
尊前孤月白簾外大河黃  
詩

卷推工部旌旗近故鄉  
方干何處至對話五更霜



奉懷大人久客湖上  
傳說吳山寓雲開鶴護門尊前人白髮江上月黃昏蠟  
展經秋健丹書隔帳翻燈花兼好夢家信屢添孫

周伯衡兵憲

江城逢使節春柳送霓旌客記長干別鴻從嶺上鳴囊  
中留諫草花影暗碁聲山水供清嘯登樓月正明

題葉玉相宋建湖釣魚圖

楓葉滄洲晚烟雲破醉顏琴彈嚴子瀨碁覆謝公山木  
槩漁歌小紗窻鶴夢閒藕絲牽不斷人在碧蓮灣

送蕭伯闇先生還舟白下

放艇乘新漲輕裝別故人載來江上雪歸去雨中春酒

政渾忘老詩篇未覺貧石頭城畔柳還許汝垂綸

共入雨中偕巫巒釋過周伯衡先生小飲次見招除字

捲幔寒風入開尊興有餘閒能徵宦况交不爲貧除壁

冷春將半墻陰月盡虛螺川諸勝境披覽即吾廬時讀公詩

原近

作送周漢思還金陵

辛苦珠江路殊方聚舊遊地因遷海瘠客爲閉洋愁遠  
夢羅浮雪鄉心采石秋莫嗟無寶玉瘴雨一囊收

羊城喜晤大人及兩弟泉開白木山具酒奉白

三年違色笑相見白盈頭飯較當時健詩添故國愁曹  
溪曾嘯月梅嶺恰逢秋尚有羅浮興遺踪細探求

前明居牙卷三十三  
秋日至南華瞻禮六祖并拜憨大師塔院和大人  
三平次龔芝麓先生韵四首  
智藥尋源後年年紫氣封飛泉開白水坐具蔽羣峰白  
玉何朝玦黃梅半夜鐘寶林遺派遠南北豈殊宗  
行脚勞山日前星動杞憂挂瓢常哭世抗疏似悲秋書  
法生無敵雄心老未休龕前涓滴水時向祖堂流  
桂叢香不散燈焰泐幢明賜額前賢筆寶林二字爲僧  
坡公手筆  
田累世耕磬高人語靜苔淺鹿蹄輕木榻披衣坐塵心  
此夜清風入關  
兵火尋常事南華仍古菴禾香飄翠帶榕蔭隔烟嵐僧  
定雲歸岫鳥啼月印潭半生山水興今得禮香曇

登釣臺弔巖先生

層巒孤峙暮烟垂撥櫂沙汀日落時水濺江空知大澤  
星高人去剩殘碑一竿自是狂奴態三詔徒勞聖主思  
馮鄧雲臺何處問至今獨有子陵祠

秋日自雲間歸里賦別宋子建彭燕又諸子

橫江烟雨送歸航痛飲難禁夜半狂偶效機雲來雒下  
却憐蘓李滯河梁書來奇字留紅葉賦得新詞佩錦囊  
一自香山人去後詩筒難到石樓傍

登金焦有感

雲連山寺晚鐘清弱柳長條依舊生江嶂遙分吳楚地  
海天近護帝王城鳴榔空翠烟中滅捲幔輕紅水上明

千載興亡還極目滄浪東去不勝情  
舟次燕磯

潮平野岸盪輕舟遠水斜開杜若洲  
波底空聞沉鐵鎖  
石頭依舊峙丹樓潮聲夜帶三江雨  
山色晴飛萬樹秋  
回首蔣陵松柏路按鷹調馬不勝愁

石城雜咏

翠旂繡帳壓城頭  
堠火依稀點戍樓  
古殿雲迷芳草路  
故宮風散黍離秋  
銅駝沒盡王孫怨  
玉樹歌殘帝子愁  
淮水管稱歌舞地  
只今蕭瑟滿沙鷗

懷方子留越中

千里扁舟指釣磯  
遠遊不是爲調饑  
厨中攜有伊蒲饌

匣裏裁成老衲衣  
海燕春來人已去  
寒鴻秋至客將歸  
知君夙志黃農侶  
日日登山獨采薇

次韻和吳湯日先生五十自壽詩二首

十年夢斷漢明光  
尚有朝衣染御香  
亂後親朋俱契濶  
老來詩酒益疎狂  
黍離歌罷周臣怨  
杜若洲寒楚客傷  
一自鼎湖弓墮後  
灞陵歲歲哭先皇

草堂還勝午橋莊  
醺醖新開翠羽觴  
陶令秫杭秋正熟  
向平婚嫁老猶忙  
人從畫壁看函谷  
客到雲谿識醉鄉  
自有粉榆春社酒  
玳筵何必泛霞漿

寄王勝時

桃渡逢君暮雨秋  
江風先送木蘭舟  
烟花到處催人老

雲樹經年繫客愁，武子狂來猶躍馬。仲宣遊罷倦登樓，錦囊秀句知多少。可有新篇念舊遊。

秋日送戴山民遊豫章

北山高枕卧烟蘿，送爾長征感慨多。猿狖夜啼孤嶺月，魚龍秋靜五湖波。尊前怨別攜吳劍，客裏驚心聽楚歌。若上滕王高閣望，西山南浦近如何。

過函雲訪吳無齋先生

石邊孤坐看烟巒，走月廊空樹色殘。

函雲有石曰孤陶坐又有走月廊

今有村稱栗里司空卜地，卽王官雨中岩壑。秒難到亂後黃花，可耐看翠嶂丹崖。終不改，何時得借一坡安。

喜晤周農父先生兼送之西征應蔡中丞之聘

經年悵別重踟躕，兩地冰心指玉壺。草檄早知周僕射，參軍還傍蔡司徒。薊門行見銅駝泣，楚澤驚聞鐵馬驅。短櫂直過烟水畔，江州有烟水亭好將詩句遍江湖。

喜大人及仲兄歸自江州

江州彈鋏早言歸，乞米何嘗可療饑。歷盡風塵知客苦，遊窮湖海覺人非。關山到處驚吹角，楚蜀頻年未解圍。猶幸潯陽波浪靜，秋帆無恙抵漁磯。

暮秋雨阻松湖小飲

九十秋光去不回，陰霾幾日未曾開。湖邊難定風雲色，嶺畔驚傳虎豹來。四海兵戈愁入夢，百年詩酒共登臺。却憐黃菊東籬下，又被霜華一夜催。

將軍名成以小卒被  
冠執不屈克全吾桐  
也知無力振乾坤志决身殲答主恩銅柱未標功尚在  
鐵衣雖冷氣常存揮戈直濺睢陽血擊筑空寒易水魂  
寂寞祠前芳草路好持椒醑獻清尊

天津

乍別長安三日程津門形勝控神京樓船萬舸租輸急  
烟火千家杵臼鳴夾岍魚鹽通賈客近城鼓角起邊聲  
可憐萬里孤征客斜枕弓刀對月明

南旺道中

河水中分上下船聲聲啼鳥綠楊邊青山漸入江南路  
芳草猶含薊北烟日抱龜鼉開海曙帆收汶濟起潮天

從來但覺悲秋苦那識傷春更慘然

送姚仙期偕丘季貞入楚

蘆花楓葉惜孤征何處天門是楚城老衲幾時能斷酒  
餘生此去莫談兵十年漢沔爭龍戰千里江湖一雁聲  
回首釣臺秋水白斜風殘月故人情

江東橋水中見報恩塔燈影同西頑潛伯賦

離城數武大江頭橋引西南近莫愁烟色迷離低遠岸  
水光明滅上孤舟倒垂火樹波初定壓斷星河月不流  
萬點夜珠通國照熹微常近五更收

泊莫愁湖

晴烟夕照水平橋小泊城西闔暮潮蕭寺短垣傳戰壘

平沙孤鳥避危巢亂穿邨巷行人恐將閉城門戍卒驕  
惟有莫愁湖上草秋風秋雨正瀟瀟

拜武穆祠

和議虛成權相功忍將三字葬英雄潛身莫羨斬王早  
爭死堪憐幼女同枝護靈旗寧向北湖圍孤塚尚流東  
高宗陵樹何從訪岳廟千年夕照中西歐督帥城  
至白門喜晤周櫟園先生

短衣纔到白門居未許先生賦遂初盤錯不教詩興減  
饑寒頓覺宦情疎梁間燕喜方歸客架上虫殘未讀書  
鎮日故人來慰語藿鹽風味近何如

公菊帖  
內語

午日徐立齋太史奉使豫章便道山城枉駕

皇華當代重詞臣使草猶含燕市春柳色搖風迎馬首  
蒲香沾雨逐車塵深山忽覩平吳詔遠塞無忘諭蜀人  
一夜開尊聊送別還鄉初見錦衣新

立齋登第後今始  
以奉使便道省親

倪樾公訪舊曹州歸過中都話別

訪舊曹城雙馬蹄荷香秋老雪花低半年作客羊裘短  
兩日鄉心雁陣齊孤劍晴雲荒禁外斜陽碑蘚灞陵西  
依人美爾分微祿村店先子聽曉鷄

春雪送飲光還江村

大雪圍爐舊帝畿銜杯屈指五年違兩朝鈞黨更名姓  
千首詩篇何是非松菊田間憐白髮冰霜市上變緇衣  
還山可向燕臺去謠詠休嗟古道稀

音韻原牙卷五  
山過小孤山去  
客心日夜近潯陽  
瞬息飛帆過馬當  
山以小名偏最險  
石因孤立却無郎  
霜清嵐嶂螺千點  
風急帆檣雁幾行  
拂袖莫辭村酒薄  
擁裘難耐五更霜

寄懷龔芝麓先生時拜大司寇

花飛江畔送春詩  
又見樓頭颺柳絲  
雁影霜清人醉後  
馬蹄日落客來時  
老臣涕淚封章切  
憲府矜疑出署遲  
聞道 聖恩新解網  
尚書特拜不須辭

上谷東少叅方寄菴二首

鈴閣風清晝不譁  
青青菜甲滿官衙  
賦詩自嘯樓頭月  
行部初開戰後花  
幾路乳鶯驚夜柝  
千羣市馬踏秋沙

鄭圖新繪流民淚  
正及宵衣雨露加

九閣難叩幾迴腸  
無奈西行月似霜  
人佩荆綬趨幕府

天留旌節控遐方

時議裁監司上谷在應留之內

秋風出塞非投筆  
客

病思家早戒裝  
莫道玉關容易老  
看君雙鬢未全蒼

咏留侯

自念勛名五世長  
鋤秦滅楚報韓王  
遊仙豈是從黃石  
不肯終身事漢皇

樓上美人

日煖風融清晝長  
桃花飛送玉樓香  
陌頭柳色青如許  
繫馬劉郎是阮郎

擬從軍行

前即風牙卷五  
漠漠平沙草樹微健兒日暮射鵬歸角弓枕著通宵醉  
醉到明朝又打圍

紀事二首

寢園松栢晝長昏樹盡千山露雨痕今日爨烟香十里  
明朝約伴再鋤根  
遍地垂楊影自重高臺還剩石蟠龍居人取得琉璃瓦  
每夜聲聲當鼓鐘

荔枝

火齊拋向海城東碧樹離離映日紅最愛曉來和露折  
冰紈襯著絳紗籠

龍眠風雅卷五十六目錄

木厓潘 江蜀藻輯

舒城孫昌裔秋我 參

同里徐 翥羽先

祝 祺首一百二十九



龍眠風雅卷五十六目錄

同里翁

同里翁

同里翁

同里翁

龍眠風雅卷五十六

木厓潘江蜀藻輯

祝

祺

字山如學殖宏富早負文名久困童子科不售順治乙酉年三十有八始補諸生第一時

論允愜而猶謙其遇之遲也會開科取士之初四方行卷脛翼罕通山如輒出其宿構蒙他人姓字

流布國門選家競採掇之奉為風氣鵠的其文春容大雅雖新貴名流或不逮也既又刊其小題雅

宗行世苑林購致以勝紀屢踏塲屋則下鍵著述之問沾丐後學不可勝紀屢踏塲屋則下鍵著述

罄館修鬻書數千卷標識眉額手自點定所居老屋數椽竹厨土銜古梅一株高梧數挺左圖右史

旁刻古鼎彝吐納風流居然名士生徒從遊者衆至儻舍以資講肄焉所鐫樸巢詩前後集博與蕭

遠有張文昌王仲初之風晚著竹窓迂話有功世道未卒業而沒予為詩哭之有云斷酒太嚴終不

免著書將竟惜猶殘蓋為此也其詩美弗勝收因有專集單行故割愛不少寧錄其未刻者

桐民謠二首

葛之絲兮蒙于苞櫟言采而鬻維婦之績織織者手絲  
分縷析或丈或尺匪喜伊戚彼君子兮豈曰惡奢旣空  
杼柚春羅夏紗粲粲其色灼灼其花我葛之樸不如其  
華何所取諸取之民家

不食豬喜食鹿喜食筋不食肉一束之筋戕十生十束  
之筋刮一目吁嗟兮爲民牧爲下福民何辜兮女蹙鹿  
何辜兮民逐

### 狐女歌

美姑積脂粉千年化爲狐狐復拜髑髏一朝爲美姑人  
惑美姑不知其爲狐人惑于狐猶以爲美姑嗚呼丈夫  
有眉有鬚而聽無鬚眉者愚嗚呼丈夫

### 坑儒焚書歌

莫坑儒儒不可坑儒即可坑心非巷議多蚩氓揭竿夜  
呼者誰子響應豈必皆書生莫焚書書不可焚書即可  
焚老人尚有陰符文醫卜種樹書猶存不能平治楚漢  
之紛紜秦坑儒儒坑秦君不見李斯趙高皆儒臣秦焚  
書書焚秦君不見咸陽宮闕化灰塵

### 歲莫偶書

智紛苦歲馳身客喜事少男兒無所成又驚一年老起  
步庭除間南枝喧凍鳥積雪天風吹青青見春艸  
夜坐寄山中人  
空庭待涼月草虫鳴石根坐億枕書卧百慮勞夢魂兵

以已亂設設兵亂益繁芳華迎秋風憔悴能幾存雲岩  
有高隱清標無與倫我欲往相依煮石爲饗殮功名世  
所貴達士不復論讀卦至損益挂冠神武門五岳如可  
游婚娶俟子孫君看寥天鶴鼓翼摩崑崙下眎林莽間  
燕雀徒自喧

輓胡郎公

天不限南北五月江州失萬騎薄危城明星殞良弼赤  
血膏川原白骨盪蟻蝨江左諸名流平時與師暱笳鼓  
振疆場狼鼠各奔逸誰能夠孤臣仗節獨不屈卓哉吾  
子死相許在平日金石旣匪移鼎鑊復奚恤魏昭事郭  
泰造食侍寢疾曹敵師吳章義不避鈇鑕以今況古人

古猶有弗及檜柏無曲心風霜見良質師旣爲國死子  
亦爲師卒所死有公私大義同一律天柱傾東南衣冠  
盡若猶已死實未能謂人死不必我披故友書酸風搖  
紙筆悄焉助予悲空墜弔蟋蟀

雜詩

人生貴適志胡爲多所求夜曉晨復爾百歲空自憂神  
山在海外仙人居上頭力能併六合不能卧丹丘何如  
采芝人惟與天爲遊我生非其時滄海飄虛舟仰睇河  
漢間路長思悠悠槍雲忽如馬櫬雲忽如牛

老女詩

苧蘿有名女溪邊日浣紗不逢范少伯安能貯錦娃漢

如亦恃貌知音能琵琶生不侍宮寢死不葬中華遇合  
信有命豈乏貌如花哀哉女雖老至老必有家不見好  
老者載之以後車

積書

物聚於所嗜嗜不一端止或嗜在田園金珠及羅綺又  
或嗜姬姜狗馬並弓矢而我俱泊如暱志惟書史古人  
留咳唾令人挾精髓吾以明吾心寧徒徇口耳寒時當  
輕裘饑時當甘旨憂時當琴笙病時當藥餌購求二十  
年坐擁百城喜江南避寇氛舍此去鄉里舊本無一存  
追念不能已遨遊金閫肆見之獵心起聊市數十卷舟  
車伴遷徙歸復遭兵掠痛如故人死乃歎天忌盈積書

同一理老大不覺悟營戀猶復爾歲廢舌耕資米鹽累  
妻子東家穀滿倉西舍核鑽李見我寶詩書無能博金  
紫相與竊笑之輪彼畜雞豕淵明五男兒總不好筆紙  
父子且異性何況彼與此茅屋映東窻日影過如駛開  
厨檢遺編古香觸手指隨意展一過冰雪滿牙齒才仙  
良足嘉頑鬼寧不恥何妨效白魚生死典墳裏

咏懷二首

四方靡所適結廬城隅東椽楹取樸鑿塗蕪不必工室  
內羅琴書俯仰堪自雄戶外寡行跡春雨深蒿蓬刻坐  
二三子疑難頻折衷陶淑因厥材或亦多微功效彼成  
都市賣卜垂簾中與子言依孥與臣言依忠於世小有

補寧必居三公

紅日照東牖窺我几上書書以適吾意展卷仍徐徐大  
旨既罔昧可勿理其餘世儒困鉛槧不克自卷舒戛筆  
供俗好甘帶如螻蛆而我愧莫逮愚惰猶厥初宜終鮮  
有成偃蹇出無車長裾已恥曳短髮已廢梳蔬圃治荒  
穢讀倦聊且鋤以茲寡所慮空曠如太虛向午風日美  
有客饋嘉魚呼妻烹佐酒小酌還自如頽然待明月涼  
影臨階除

東方還山先生

辛苦伴臯羊何如友麋鹿踟躇入荆榛何如理松菊古  
人愛吾鼎一食恥嘔蹴而况折我腰五斗博微祿先生

山林人疎懶性所獨強之繫圭組高卧厭塵蹟如彼海  
鶴姿翻作樊籠畜一朝放歸田偃仰適空谷飽我菰米  
飯製我芰荷服山中有四松蒼翠色可掬風雨自空來  
波濤撼茅屋側耳腸胃清新詩成更速有時入市城親  
我倍骨肉投以古體詩瑤華奪雙目烟花三月天水次  
一舟宿吹簫明月橋琳琅應滿籠自愧春夏交爭食同  
野鶩世豈乏中郎柯亭鮮靈竹歸來面駢羞陌塵積盈  
斛願見先生詩香楸花下讀冰雪沁肝脾音響勝笙筑  
得意呼酒杯浮雲任紛逐

移居

秋陰覆城郭澹蕩西風吹羣樹排寒空越鳥棲無枝我

音耶屋牙卷五十一  
欲買青山道長靡所之跡寄屠與酤周旋拙言詞東城  
營一巢偃仰心無爲或對客飲酒或焚香賦詩暑寒不  
出戶語默惟因時門前大梧樹濃陰常四垂六月來涼  
颺高卧枕簟宜奈何不自保長與故廬辭卜居新豐市  
鷄犬各熙熙日暮早閉門巷議多叅差宅後有隙園花  
木猶可移因念傳舍同轉盼知爲誰舉世無伯通廡春  
常苦饑效彼童子鴻何必因熱炊杜老江上居秋風捲  
茅茨尚願廣厦多盡令寒士怡以今較咎人寧不爲大  
癡短簷有數竿青青歲寒姿偶爾攄所懷對之常撚髭  
方井公索戴敬夫舊書一幅時予方閱河邨集因

作此並書歸之

歷陽高士書法老方子觀之稱至寶我得一幅已七年  
饑時展玩還能飽今秋失意走長干又買河邨舊詩草  
歸來斗酒復長吟短檐曝背黃綿襖方子嶽嵒美筆墨  
好此一幅如好色趙璧還爲趙國完楚弓終當楚人得  
雲烟過眼我無戀君開如見高士面梅花帶雪落香片  
我攜避俗詩一卷

五烈墓

寶刀淬雪光如練丈夫佩之身命賤平生節義托文章  
柱折維傾心忽變朝衣四襖夜三衾無頭亦佳不足羨  
嗟彼鬚眉且如此何況深帷婉孌子知我有夫贈我珠  
感君纏綿寧必死王家婦女獨不然口口皦日心青天

音耶原牙卷五十一  
一朝秦賊薄城下願言完璧歸重泉婦持姑子依母頸  
血濺衣刀在手當時祇慮玷青蠅豈願邀名垂永久黃  
雲慘淡白晝黑歲晚蒼柯不殊色慷慨就義還從容於  
昭神鬼亦心惻因思我管虎丘客纍纍五墓藏雄魄云  
是逆璫燄熾時鈎通黨人爲虬蜴天生俠烈五男兒奮  
不顧身撲殺之五人死後聖人出毀祠賜地褒其屍至  
今衣冠不敢見見之頻以袂遮面悔從橋國飲狂泉不  
及市井之臣剛百鍊嗟乎成仁取義男子事男子反如  
女子媚女子殺身無求生以較男子更無愧我讀五烈  
死賊狀寒月酸風搖紙上人家養女盡若斯何必生兒  
四朝長樂爲卿相

丙申陽月廿五日初度偶書

東西誰運雙丸走催老英雄雪盈首憶我少年曾幾何  
倏忽今年四十九四十九年無一成萍踪浪跡江湖行  
逢人不肯屈強項讀書更恥爭浮名以此鬱鬱貧且賤  
終日北窓煮寒硯故交零落如晨星生徒往來類秋燕  
世人嗤我迂更愚生不富貴胡爲乎我亦自笑各有見  
麋鹿命豈終庖厨擁書幸有問屋幾樹梅花數竿竹  
一琴懸壁不安絃太古遺音在空腹昔年著作多嗜奇  
血枯髭斷徒爾爲如今筆墨漸疎棄知者忌者皆無之  
往悲一子落何地今亦朦朧不復記死生得失聽之天  
且樂中宵安枕睡眼前有酒座有賓與君一醉勝千春

前取風雅卷五十六  
心中無事身無病便是吹笙跨鶴人  
洲上蘆花歌  
今亦洲上蘆花歌

洲上蘆花飛白雪洲上人家千里絕一丈蘆洲一尺金  
輸與官司無敢缺去年淫雨春水高蘆洲幾處成波濤  
蘆洲已改稅不改男女賣盡空悲號至今此地無人住  
江邊虎猛不復渡吏胥照火夜捕逃驚起烏啼白楊樹  
八月十六夜李石逋招飲時其長公宣儀自瀟山

回

長空之月惟秋皎况屬故園相對好君有斗酒復烹魚  
我來浩歌共傾倒眼前之人我與君世事無心暗中老  
君言老友勝少年少年肝膈多山川山川嶮巖不敢近  
何如披襟露腹蒼松前羨君二子稱象賢口談今古如  
河懸仲兮書澆故鄉酒伯兮經授他方韞今夕何夕骨  
肉聚勝我一子飄零湖海無時還杯中物斷二載矣不  
覺三蕉爲君喜當頭皓魄送人歸風露滿天夜如水

題黃公祠

幽燕恒星慘不明潢池赤子爭弄兵黃塵蔽空白日墜  
赤眉銅馬何縱橫當時諸將悉巾幗幾人奮死身能輕  
我公登壇號熊虎窮微草木知威名猶憶崇禎壬午歲  
賊騎蝨湧圍桐城走檄告急三百里師一晝夜程兼行  
鼠狼顧影各奔竄有如疾風摧落英保我雉堞終屹立  
山田雖荒猶可耕驕帥狡焉欲南下舳艫千里飛長旌



風雲大小數百戰天地黯淡江無聲折槍遺鏃散沙磧  
留都半壁還支撐嗶嗶王旅淮揚至諸郡解甲爭降迎  
我公力屈心不屈仰天仗劍洵錚錚報國直追古烈士  
開城反愧諸名卿我公之勛在社稷不隨陵谷爲變更  
生當封侯死廟食英雄寧必皆功成二十年前此祠建  
遠近尸祝同一情我來瞻拜淚不止翻嗔誤國皆書生  
書生尚存公廼死我懷抑鬱烏能平維公有靈腰有劍  
願言俗以誅蚊蠱再三問公公不語參天古柏風吹鳴  
乃知我公自萬古豈與羣小爭枯榮

松聲篇爲潘蜀藻母夫人賦

南山青松高百尺歲歲冰霜飽天澤上棲蕭索輪囷之

卿雲下蔭歷落嶽寄之文石龍鱗欲老虬髯張溜雨吼  
風蒼翠積仙韶一派天半鳴聽者如潮復如汝我母愛  
此常盤桓草閣六月風濤寒有時自鼓湘絃曲松聲指  
下生波瀾有時白描大士幅松聲紙上增神權裁錦作  
詩花作字松聲飄渺迎芳蘭我母才節軼今古更有佳  
兒稱繡虎雄文旂幟建詞壇奇字垂魚蒐石鼓洛都經  
鷄林金至今轍跡門前深深梁園賓平原酒至今珠璣滿  
羣口我母六旬成白首兒跪稱觴祝吾母母曰嗟予子  
勉旃立身忠孝乃不朽經世大業有文章早取黃金印  
懸肘印懸肘致足樂母仍坐隱松聲閣松根千歲有茯苓  
苓細煮清泉卽大藥

麥餅歌

鄉人夜火春蕎麥作餅團團色微白滿柈遺我克朝饑  
我還借以供嘉客記得去年值此朝菊花酒熟朋堪邀  
長腰粳米抄雲子折腳瓦鎚烹橋苗今年硯荒俸錢少  
首蓓先生腹不飽丘壑雖增艸木年那得青精駐顏好  
與君食此君莫嫌撐腸猶勝水晶鹽何曾下箸云無處  
食飽鷄豚總不甜

喜逢口

與爲別以悲毋寧逢以喜與爲悲以生毋寧喜以死五  
倫之所通一情而已矣何況天性深更惟父與子至今  
雙塚埋黃沙行人指點多咨嗟我感此說淚如海有兒

不歸十六載

甘仲勳北試武闈作歌送之以壯其行

丈夫意氣多奮激七尺身軀萬人敵閒來臂鞞入郊原  
馬驟電光弓霹靂當陽天子雅重武安事毛錐學迂腐  
未能東海釣金鰲須向南山射斑虎君不見甘子仲勳  
當壯年雪窓鐵硯欲磨穿一朝棄此不復道蹀躞赤驃  
先著鞭左持烏號右竹箭猿臂將軍今復見腹中更饒  
龍豹書補袞堪稱五色線主者賞心嘆英絕名姓還教  
榜頭刻登壇韓信一軍驚何怪市兒多吐舌老儒慚我  
窮一經皓首坐破氊無青鮎魚竹竿不能上至今鼠粟  
號空瓶何如甘子挾技小有驗父兄堂上生光艷明晨

騎馬入都門腰下陸離橫寶劍方今江湖盜如蝟大力  
煩君調鼎沸功著旂常孺婦知豈羨穰苴與樂毅出門  
梅熟天氣陰更有黃鸝送好音歸來老夫飲君酒醉摩  
斗大印懸肘

題楚女題詩樹

中原土崩羣盜竊南國佳人半烟滅芙蓉帶縮馬蹄塵  
石榴裙濺鋒頭血薄命誰家婦征衫滢玉筋望斷楚天  
遙詩題紫荆樹樹亦傷心枯欲死紅顏應赴東流水年  
年風雨近黃昏似聞太息之聲芳樹裏王郎亦是有情  
癡每每惜樹還惜詩詩留樹上行人讀落日空林杜鵑  
哭

楊子嘉樹不得志思隱于醫余聞而傷之因作歌

以廣其意

浩然毋誦詩伯休毋入市入市愚婦知誦詩明主棄知  
我棄我可奈何唾壺敲碎竹如意楊君楊君今之子雲  
胡爲乎躑躅道路三十四十無所聞無所聞且休矣古  
來高才博學多如此先人遺書猶可讀南山敝廬猶未  
燬何不草玄藏名山以待五百年後之知己君不見西  
方有祥鸞饑來實食青琅玕豈與蟻螬半李爭餘餐

斫花行

老翁城居餘片地種樹栽花聊適意三春白白與紅紅  
客至還能供一醉忽有縣吏來其家聲言官索繡毬花

老翁愛惜不肯與不與又恐鞭笞加吞聲忍氣聽移去  
花亦有情若迴顧一時庭榭減風光春色無端留不住  
有如醒酒石去平泉莊又如金谷樓墜綠珠亾世間好  
物各有主忍教陌路同蕭郎老翁撫膺多懊恨種花不  
帶看花命深紅肥綠欲何爲美人一劍香消盡隣家有  
叟來憫安在民在官皆一般君不見河陽花巴東栢都  
是小人培舊澤又不見樹菽麥種桑麻賣完官糧還破  
家

金陵寒食

二月見垂楊絲絲拂道旁鳥呼人過渡花逐燕歸梁蜀  
客霜裘敝胡姬雪酒香不堪多悵望寒食是他鄉

懷夏替水避亂江上

鄉關兵火後江上夢君歸奉母一身在依人四壁非雲  
深迷鳥道潭冷念漁磯莫棄傷時策

宿山家

溪深不可渡隔浦問漁家亂竹藏黃鳥枯楊護白沙烟  
炊村麥飯香嚼澗芹芽細雨東風急心憐杏子花

樸巢冬居二首

此地可容膝貧居不用嫌日烘茅屋煖霜飽菜根甜留  
客開春甕談經下布簾偶然詩得意狂叫一掀髯  
竹逕繞蒼藤清宵月影層匣藏三尺水琴挂七條冰骨  
瘦梅同鶴心空石類僧小僮呵凍指也傍讀書燈

詠杖

畏途誰可倚欣爾共追隨  
村醉扶歸後田流曳聽時  
老年添健友緩步助工詩  
只此相攜得何須天祿藜

窓下看幼女錄余舊詩

嘯咏從余好篇章倩女忙  
腕輕書迹細紙潤墨痕香  
筆愛新斑管塵除舊錦囊  
也知得意句吟學老夫狂

夏日項于磐姚經三小集樸巢

一雨洗殘暑君來生晚涼  
鬚眉蕉下綠木石畫中蒼  
淪茗分寒響開尊送夕陽  
溪談忘主客清露滴詩囊

人日方退谷馬一公張夢敦同集樸巢

人日故人來柴門一再開  
清談聊隱几白醉不辭杯  
簷

煖喧乾鵲瓶香放蠟梅蹉跎年已老  
慚對少年才

皖江

高原聊一望潮自海門生  
米艇通漁市蘆洲牧馬兵  
秋聲多在水江氣半浮城  
落日荒荒下歸鴉野寺鳴

同張夢敦東園玩菊

衆芳搖落後愛此傲霜枝  
每近重陽節頻過野老籬  
晚香宜我性清艷闔君詩  
愧乏青錢買空看日暮時

別夏邑陳簡菴

江上十年別客中千里逢  
行裝多藥餌交譜盡詩筒  
雁叫湖霜白楓飄驛路紅  
前途戎馬急君去莫匆匆

聽雨

城上春雲暗斜吹幾陣過響從蕉葉急聲自竹梢多關  
塞夜奔騎洞庭秋捲波莫言生白髮蓑笠有農歌

同馬一公宿竺公精舍二首

山深天易莫自與市城殊野水寒猶活林烟淡欲無松  
杉迷舊路筍蕨出香厨燈下詩初就從師索畫圖  
風定夜無聲禪燈照客明茶烟猶未散山月忽然生滿  
地薜蘿影深林鳥雀更與君梅下立詩思一般清

昨有

昨有南來客相傳北寄書知兒身尚在覺我病都除隣  
叟喜相問簷禽噪不虛明年歸倘速欣慰更何如

同方退谷東郊閒步

風景今年好沙堤日日晴草嬌春暖色溪響雪消聲無  
計買山隱有秋憑研畊同君覓新句歸路暗香生寒

旅曉

主臥客無寐屢呼聲始磨披衣床射月吹飢釜敲冰與  
僕爭溫酒衾裝亂暗燈出門寒更緊霜落滿漁罾

讀宋遺民錄二首

宋祚終難永諸君意自堅猶思南渡日不肯北朝天字  
字金壺汁心心雪窖應知秦賈輩悔恨在黃泉來香  
微賤當時士翻多報國情蘭悲無土畫鳥恥出關鳴紙  
上呼應出燈前哭有聲文山歌正氣見此慰平生

中秋月夜錢西頑左子直子厚過話

前集卷五十一  
夜靜清輝發知予未忍眠敲門帶殘醉燒燭簡遺編滿  
地月如雪三更露洗天送君垂語切只在草橋邊

和劉超宗深莊詩元韻

山水獨當面天然圖畫開丹青隨意展蒼翠自空來香  
焙茶兼筍寒依鶴共梅深藏師聖木肯受世人摧天字  
看童子芟除草樹

夏愛濃陰好翻嫌障翳多疏通新竹樹剪剔舊藤蘿便  
有清風至還聞黃鳥歌乃知古循吏只是太繁苛水與

客中逢范小范話舊

尊酒論心後十年相見難夢尋湖水濶詩寄草堂寒壯  
志銷書卷生涯老釣竿楊花風捲雪不耐客樓看

和汪瑤若夏居

長夏何知暑高槐陰更濃燕衝花落後苔印雀行踪水  
活常思釣糧空久罷春學徒賚俸米不負硯耕農

遊古林寺

好春過半不曾知青入垂楊第幾絲扶病尚尋山水處  
養花正值雨晴時林藏秘閣飄烟磬竹映橫塘出酒旗  
偶得一詩無客和聲聲清唱是黃鸝

營兵掠後東楊古度

毀室傾巢風雨狂將軍死士索春糧千門鷄亂新豐市  
四月花飛古戰場好倩燕泥封筆塚幸能鼠穴瘞詩囊  
蕭條讓與妻兒泣莫念青氈兩鬢霜

雜感詩

聞說淮揚未解圍，王師十萬竟何歸。  
梧桐夜喚宮烏急，苜蓿秋增塞馬肥。  
雲壓石頭悲畫角，風高木末弔斜暉。  
孤忠血戰曾三百，欲向將軍問鐵衣。

移居

自慚踪跡海門鴻，幾束琅函三尺桐。  
亂日少陵詩是史，疆年永叔醉稱翁。  
城端暮雪高樓見，宅後寒山小徑通。  
欲擬西湖林處士，春風先放早梅紅。

答潘蜀藻

莫訝書來不寄詩，詩中強半是傷時。  
况兼貧病稀遊屐，只好疎狂伴酒卮。  
江雨送春花落盡，梨雲寒夢燕歸遲。

南陽近日無畊土，空望高岡賦采芝。

無題四首

百花深處語如簧，畫閣珠簾翡翠粧。  
玉腕笑分金鈿盒，羅衣行送水沉香。  
新調巧舌教鸚鵡，小疊同心繡鳳凰。  
子夜歌殘春寂寂，有人腸斷隔東牆。

眉畫春蠶髻，綰鴟釵。頭綵燕受風斜。  
人名小玉無雙價，巷號明珠第一家。  
步障籠歌紅豆粒，洞簫吹曲碧桃花。  
藏嬌不令王孫見，遊倦春郊白鼻騮。

禁漏沉沉酒半醒，絳紗猶護一燈青。  
青春雲入夢無人見，夜月談心有鶴聽。  
花繡鴛鴦依并蒂，橋填烏鵲聚雙星。  
當時只道歡相得，士女思圖上畫屏。



笑處相逢哭處留如今都似夢揚州  
神仙路阻三千水  
帝女雲遮十二樓楊柳門前空繫馬  
桃花洞口欲迷舟  
依稀印得餘香在窄窄紅綾玉一鈎

夏日卽事

夕陽西下豆棚涼起汲清泉潤海棠  
近水藤蘿多滴翠  
傍花蝴蝶對飛黃山常到眼門難閉  
巾不蒙頭髮漸長  
野馬浮雲俱絕影小簾一穗篆爐香

卽事

家計貧來知己疎况兼老大性情孤  
詩添小女燈前誦  
病賴頑僮醉裏扶踪跡漸能離市井  
姓名翻悔落江湖  
寒宵意不忘山水夢畫龍暝風雪圖

移菊

園中乞得丹霞種冒雨移過帶土栽  
畧去繁枝將竹護  
便多香氣入衣來愛君晚節頻頻看  
慰我秋思緩緩開  
十載葛巾堪漉酒忍教相對不銜杯

移居

十年城郭五移家飄泊真同繞樹鷓  
粗覓數椽雖近市  
喜餘片地可栽花門徒壁上懸詩畫  
隣叟墻頭餽果茶  
却笑雙扉無白板夜來還倩竹籬遮

癸巳除夕

雪後陽和凍解遲燒殘楮送窮時  
掀髯鏡裏常防老  
岸幘燈前不賣癡囊有苦吟酬好酒  
咩無惡歲祝毛錐

夜深香繞梅花屋知是春風次第吹

甲午元旦

衣冠曉拭隔宵塵白飯青蔬獻歲新  
起拜艱難微覺老盤餐簡約暗傷貧  
簾飛梅雪添清况鳥愛條風美好春  
小醉詩成還自咏笑將解否問家人

憶在四首

憶在留都三月天風光如畫足流連  
遊人走馬穿香陌歌妓彈箏坐酒船  
木末亭邊看墓碣雨花臺畔見鞦韆  
而今事事堪垂涕錦繡河山不似前  
憶在高峰望渺茫清涼臺上說清涼  
江天雁字橫秋色野樹僧瓢挂夕陽  
金粉六朝花草秀胭脂一井土泥香

暮年定鼎新天子荆棘銅駝更可傷

憶在禪林看古梅玲瓏寒玉雪中開  
踏春好伴留茶社授偈高僧坐講臺  
塞北書來誰解讀江南賦就不言哀  
可憐五月繁華地萬馬如潮夜渡來

憶在城南大道旁連雲甲第甚輝煌  
家藏鐵券龍紋字屏列金釵翡翠粧  
自恃麒麟嘗畫閣將焚燕雀尚安堂  
如今門外生青艸都作他人牧馬場

解嘲

人向江南鬧選場我從江北坐空堂  
漫誇車馬三公貴不換松篁一枕涼  
老近漸知藏拙法病多且學養生方  
諸君大半逢重九也共閒身看菊黃

聽馮五魚鼓琴  
座上聞君指下聲一絃真覺一心清  
三更玉露孤吟蟀  
二月銀床百轉鶯  
謾謾松風堪洗耳  
湯湯海水足移情  
愧余壁亦懸焦尾  
爲乏知音塵土生

落葉

寒入千山曉露清  
飄零一半惜輕盈  
歌殘玉樹啼烏急  
吹到銀床促織驚  
常似客敲門有約  
不同花墜地無聲  
年年收拾繁華去  
可是金風太薄情

鷓鴣爲方井公賦

雕籠憐閉羽衣斑  
萬里從征海上還  
一葉欲遮深夜露  
九龍空憶舊家山  
悲看雲樹同羣少  
解說風塵行路難

我未出門聞不得君聞  
况在道途間

重陽後一日李未盡贈菊二本因出酒共酌

風雨滿城重九後  
君能憐我送花來  
纔過佳節猶堪賞  
似待幽人不盡開  
晚節豈同霜裏葉  
寒香還類雪時梅  
床頭酒熟休辭去  
也學陶家醉幾回

藕塘納涼

十畝芳塘盡種荷  
水痕風蕩綠千羅  
弄殘夕照影猶在  
行到曲堤香更多  
紈扇遊人爭選石  
蕊珠仙子乍凌波  
眠鷗不動輕鱗出  
似聽吹簫白紵歌

李士雅久客蓼城詩以訊之

天涯夢斷舊遊疎  
開到寒梅報歲除  
故里萸香渾不憶

廣陵花信近何如絳紗帷護高人榻白玉堂分太史書  
怪得此間消受好平安空只寄雙魚

贈陳遐伯

灣山山水自清奇筆墨傳來是畫師痛哭白頭天寶後  
狂呼赤脚雪峰時技能格矢人稱捷詩就敲甌我愧遲  
知爾歲寒堅苦節梅花不贈向南枝

咏陳大匡軒前白牡丹

番島何年降太真輕風微雨數枝新神仙自具冰霜質  
富貴無煩羅綺春玉樹未聞傾國色梅花終似卧山人  
爭如錦繡笙歌裏素面朝天絕點塵

讀書存存堂

暑中借得一枝棲習靜閒吟日又西小硯水餘常飲鼠  
新豐市遠不聞鷄科頭病後書慵著問字人來酒罷攜  
却喜燕雛新長大空梁無復墮巢泥

輓方井公

閒時頗喜過君家小飲還烹紫莢茶几上墨香摹古蹟  
庭前蘭暖較新芽文星忽向寒空落珠泪翻同夜雨加  
只恐泉臺春寂寞攜尊何處訪名花

壽吳易水鍊師八十

先生得道樂林泉卧石餐芝八十年人似寒岩松挂雪  
詩如秋水鶴呼天一聲鐵笛魚龍戲九轉金丹鷄犬仙  
我向法壇聞妙旨等閒消受博山烟

飲倪代南園亭

三月芳菲樹樹妍  
偶來選坐杏花邊  
主能出酒留嘉客  
我亦行吟學少年  
小燕忽飛春社近  
高城初冷夕陽偏  
樵青莫把殘英掃  
好待明朝又醉眠

雪裏朱梅

自是清肌不耐寒  
春風醉倚玉欄干  
薄施脂粉嬌難畫  
細剪珊瑚濕未乾  
二月杏村飛柳絮  
上元火樹映冰盤  
紅顏白髮從來易  
早借孤山處士看

試歸感賦

歸看門逕長  
高蓬獨坐攤書草  
閣中白燕斜衝梅子雨  
黃鸝嬌轉棟花風  
彌生懷刺經年減  
季子囊金作客空

欲玩新篁山寺裏  
不堪溪漲小橋東

飲古坳侯宅兼送王鑒公之建寧

山家酒熟瓦盆香  
招我攜琴過草堂  
桑柘影中初掃徑  
鶉鳩聲裏半栽秧  
烹來野味蕁絲嫩  
釣出溪鮮柳葉長  
如此竹林堪寄隱  
馬蹄何事逐人忙

征夫塞上

廣王阮亭先生秋柳次韵

梅花吹落已銷魂  
羌管還催折玉門  
千里黃沙迷遠樹  
一天白露浸疎痕  
獵回不似啼鶯路  
戰後空餘繫馬村  
因記家園人贈別  
應同憔悴未堪論

少婦樓頭

小園昨夜下微霜  
暗褪柔條色映塘  
隔榭久拋金織線

入窻還拂玉臺箱  
眞他搖曳調行客  
似我支離問藥王  
忽憶郎君去年事  
春風走馬鬪鷄坊

高士門前

三逕歸兮早拂衣  
五株種得悟前非  
身寒漸覺黃金減  
腰硬何妨青眼稀  
去路王孫難折贈  
遷喬公子不來飛  
籬邊繼此多香菊  
縱是蕭條酒莫違

離人亭畔

多少驪歌聽可憐  
不堪攀折帶寒烟  
種來陌上常停騎  
舞罷筵前早脫綿  
絲軟未能留永日  
條疎空自惜芳年  
酒闌客散荒亭冷  
幾點棲鴉落照邊

哭倪南蔭

絡繹名場二十年  
一朝歸夢化寒烟  
天涯半哭窮時路  
家計多愁亂後田  
無復聽經山寺裏  
空餘題句酒樓邊  
也如五岳遨遊去  
未畢兒婚女嫁緣

方還山先生有秦中之遊詩以送之

連朝風雨淨行塵  
有客辭家西入秦  
宦後載舟無長物  
老來彈鋏向何人  
隴頭衣冷雲千片  
馬背詩清月一輪  
花事正繁君遠去  
名園辜負牡丹春

遠峰亭同方嶽夢李士雅左子周周信臣方子將

賞菊分得臨字

木落空亭一徑深  
看花期好客初臨  
酒觥薄醉還山日  
門掩寒香聽水心  
小局敲殘秋雨濕  
新詩賦就夜燈沉

西園雅集欣同調金石聲慚蟋蟀吟

送楊古度之秣陵

楊子談經髻已蒼冷風江上買吳航書懸久博鷄林價  
字問竒分虎觀藏近水梅花迎客權長干燈火借僧房  
知君耳熱悲歌發幾度鍾山弔夕陽

除日茅齋初成與鄭公亮夜飲

壘土編茅便可居何妨人說是蝸廬一區餘地猶栽竹  
半老閒身且著書博米自宜酌筆舌披裘還勝學樵漁  
家醪初熟更初動與子張燈話歲除

題畫

人歸夕照山鴉亂秋深樹蹇驢愛清溪遲迴不肯渡

山行

有此山者誰此山自今古山主苦不閒我閒即山主

七夕

牛女相期事若何人間幽恨此時多年年留得今宵泪  
銀漢應添幾尺波

兵後返館書史散失于糞草堆中猶簡得自著詩

文二冊悲喜交集為賦一絕

避亂歸來徑草荒敗書堆裏燕泥香也知煮字燈窗苦  
留得山人破錦囊

贈賣刀者

膏淬青萍映雪明賣來可是買牛畊樓蘭斬後英雄少

却付何人報不平

門人余季超自山中移梅一株見贈喜賦以謝

高士何時離水濱  
枝枝蕊蕊見精神  
簷前明月墻東雪  
添得貧家一段春

偶吟

燕子楊花繞布簾  
東風吹動雨廉纖  
老妻知我詩懷好  
不說明朝乏米鹽

除夕偶成

臨風小榭暗香聞  
開到梅花春幾分  
也學主人開口笑  
耐寒不作送窮文

舟泊上新河

柳梢明月晚涼多  
螢影飄飄欲墮河  
船上郎君樓上女  
含情都聽采蓮歌

送王鍾豫還里

梅雨霏霏江路寒  
休嗟行路此時難  
溪南水活魚兒出  
正好歸家把釣竿

咏明妃出塞圖二首

畫裏姿容未可憑  
單于欲嫁意堪矜  
君王莫惜朱顏去  
只當中原失李陵

春色年年閉漢宮  
征鞍拂袖去和戎  
當時召見非難事  
何用妍媸問畫工

一葉題西施五湖圖二首



一葉扁舟雪浪堆不堪回首望荒臺叮嚀莫向錢塘去  
恐有人騎白馬來

烟波遙遁號鴟夷有女同舟任所之不畫吳宮眉樣巧  
無人知是舊西施

七夕  
雨沐青桐報早秋銀河淡淡月如鈎自知老近風流減  
七夕無詩咏女牛

纖足點毬  
款款相依緩墜肩香尖蹴處燕翩躚有人不羨毬飛疾  
只看湘裙一瓣蓮

看春宮秘戲圖兩頰微紅

燈前帳裏猶含笑案上圖中反覺羞持得寸心常似此  
分明一卷女春秋

姚經三寫山水見贈自題一絕因韻答之

青山未得隱閒身幾度翻疑畫裏真君畫秋山人不畫  
已知余是住山人

感舊

板橋明月夜呼酒繡陌香塵春看花三十年前渾是夢  
東風吹醒舊繁華

橘燈

也學尊前一點紅洞庭霜信已成空問他對奕人何在  
都付咸陽劫火中

春遊

郭外尋芳路欲迷  
美人笑語杏花西  
春風勾引雙黃鳥  
也向鞦韆架上啼

月夜

隣家老桂暗香浮  
度入西風客倚樓  
明月漸高詩漸好  
昔人何事獨悲秋

閒居即事

授書易穀度殘年  
難買南陽負郭田  
却喜詩成風雨夜  
無人敲戶索租錢

遊春曲

女兒溪上浣春紗  
溪上落花紅似霞  
爭說朱顏不常好

鬢邊只插白桃花

居巢陽五莫先生哀詞二首

畫圖座右懸文相  
木主庭中哭史公  
都是先生薑桂性  
不隨黃葉頹秋風

吾鄉亦有水厓詩  
痛哭飄零死不辭  
絕粒與君同一志  
願言圖像首陽祠

畫眉

曉粧初試捲珠簾  
欲畫春蠶兩道纖  
把鏡自憐還自止  
墨螺空染筆花尖

整髻

螭首斜堆兩髻鴉  
粧成膏沐不須加  
隣家女伴還爭羨

爲贈釵頭茉莉花

酥乳

一抹酥胸白雪光  
波清露冷墜蓮房  
可憐雙蒂難輕見  
願作羅襦貼汗香

織趾

自整湘裙下翠樓  
白綾藕覆玉雙鈎  
擎來掌上剛三寸  
一粒珠難綴鳳頭

蔣弘仲出徐文長畫荷一幅上題絕句字畫生動  
飄飄欲仙子鄉阮臨江先生畫多類徐筆今亦

不可得矣爲賦一絕

筆墨欽寄一幅中  
嬾仙風味有誰同  
百年光怪今方見

浪說從前白醉翁

送馬一公赴試江南

近日功名蜀道難  
看花君喜在長干  
自知骨重飛無分  
羞對丹爐說九還

桃葉溪頭水亂流  
鍾山嶺上野雲秋  
煩君寄語悲歌客  
舊日詞人已白頭

...

...

...

...

...

...

...



